

DISSERTATIO MEDICA INAUGURALIS
DE

FLUORE
ALBO,

Quam
Auspiciis Divinis,

& indultu

Gratiosissimi Medicorum Ordinis,
PRÆSIDE

Viro Nobilissimo, Excellentissimo atq; Experientissimo

DN. GEORGIO VVOLFFGANGO
VVEDELIO,

Med. D. Theoret. Prof. Publ. Archiatro Saxonico, S. R. I.
Acad. Naturæ-Curiosorum Adjuncto,

DN. Præceptore, Patrono atque Promotore
ætatem devenerando,
PRO LICENTIA

Summos in arte medica honores, insignia
ac Privilegia Doctoralia legitime capeffendi,
publicæ Philiatruræ disquisitioni subjecit

GEORGIUS ERICUS THILL,
Pos. Hung.

Ad D. Decembr. A. M DC LXXXII.



PROOEMIUM.

Uterum sexcentarum ærurnarum, innumera-
rumq; calamitatum mulieribus autorem esse, ve-
rissime scripsit *Democritus* ad *Hippocratem*. Si enim
morbos mulierum pensiculatius intueamur, quo-
rum ingens sane est numerus, plerosque propter uterum
fieri in fæminis animadvertimus, cujus quoque gratiâ fit,
ut omnem morbum secundum *Helmontium* bis patiatur fæ-
mina.

Nam licet & in aliis lèse exerant partibus morborum
agmina, uteri tamen communis est calamitas, quâ omnibus
consentit. Spiritus enim, qui intus agit, mobilis est & per-
meabilis ubique, quem si laceſſat malum, turbas movet in
ultionem, de quibus participant cœtera quoque viscera. Hinc
non immerito impetum facientem *Hippocrates* vocat spiri-
tum, moventem sub tempeſtate oborta totam microcoſmi
machinam magis minusve, pro cauſarum occasionalium
ratione. Hinc dolores, tremores, convulſiones, ſuffocatio-
nes, effluxus, & plurima alia exurgunt incommoda, quibus
uterus quoque aliquando anſam dedit. Inde eſt, quod ute-
rus, tanquam nobiliſſima corporis fæminini pars & utilis-
ſima, propagandæ ſpeciei à natura deſtinata, quò plus juvat
corpus, bene conſtitutus, eò magis adverſatur male habens,
tantò enim majus eſt vitium, quantò nobilior pars, quæ pec-
cat, habetur.

Eſt tamen & uterus quoque, ut reliquæ etiam par-
tes, ſine ſanguine animante & vegetante iners & inu-
tile viſcus, cujus quadrâ dum vivit, nutritur & augetur,
pro ejus conditione etiam bene maleve habet. Sanguis

hic motu suo circulari dum volvitur, ad hæc littora quoque alluit, & qui à nutritione superfluus & onerosus corpori, ordinato naturæ tempore secernitur, unde vasa plurima tum sanguifera tum lymphatica quoque huc tendunt, quæ ipsa, miro naturæ artificio constituta, suas si secundum naturam perficiant destinationes, & toti, & utero quoque salutariter res cedit; sin secus, morbus adest, qui sanam vim, siue mavis sanitatem labefaciat & disperdit.

Neque solum sanguini hoc loco peccanti, sed & sero ceu individuo ejus comiti, sua culpa est. Ab illo ut calor, ita ab hoc humidus potestas resultat, ab utroque autem viventis temperies procedit, si proportio subsit, & intemperies quoque, sin aliter se habeat. Moventur utrique humores in rivulis suis, & vitium capiunt, ni moveantur, perpetuum dixeris mobile, quamdiu vita & sanitas adest.

Est quoque circumscriptus à natura limitibus suis cursus hic sanguinis & lymphæ, ne suos excedat fines, neve evagando naturæ vim inferat. Unde si arteriæ advehendo, venæ & vasa lymphatica revehendo circulum sartum rectum servaverint, machina humana in continuo sanitatis perstat vigore, rupto vero hoc vel exorbitante circulo tum inordinatio, tum læsio presso pede succedit. Uterus ergo morbis quam plurimis obnoxius, cum de sanguine & lymphæ plurimum participet, utriusque vitia quoque frequenter sustinet.

Potissimum vero *Lymphæ Uterinæ* flatum p. n. hac vice spectare animus est, quo suis excidens torulis & porulis glandosi corporis relinquit domicilium, & extra oras muliebres foedo effluit, albo dicto, *profluvio*. Cujus mali causas pervidere, & curam subjicere, minori gratiæ, quam scientiæ & investigationis medicæ ratione habita, pro ingenii modulo, Inaugurali Dissertatione constitui, quod ut feliciter eveniat, summus Archiater adjuvet!

5.
CAPUT PRIMUM.

Ὄνοματολογία exhibet.

NE nominis acceptio diversa nos remoretur, præprimis in limine, HOMONYMIAS ratio habenda est. Fluor albus *latissime* quidem pro quocunque & ex quacunque corporis parte proficiscente & excreto albo humore accipi potest, ut sunt fluxus naturales, nonnaturales & præternaturales, e. gr. muci è naribus, ichoris è fonticulis, lactis, seminis, pituitæ, puris, & chyli effluxiones; illa tamen acceptio vix in scholis medicis usitata est. Late vero, in muliebrium affectuum doctrina, pro mensibus decoloribus & in specie aquosis, albis, serosis vel pituitosis, aliquando sumitur, cum quo affectu sæpe confunditur hic fluor, quæ ipsa, ut impropria significatio, nostri non est scopi. *Stricte* nempe & *proprie* hac vice nobis dicitur is fluxus albus, qui à rubro distinctus subiecto, materia, tempore & colore, & per proprias exit vias. Hinc Sylvius fluorem muliebrem potius & aptius dici asserit, quàm alba menstrua, *Prax. Med. l. 3. c. 4. §. 1.* quia diversus & peculiaris à menstruis distinctus est fluxus.

Non uno scilicet affectus hic gaudet nomine, sed pluribus eandem tamen rem designantibus, modò distinctione jam datâ eadem lustremus. Hippocrati audit ῥόος λευκός *fluor albus* passim. Uti enim fluxus talismodi sæminis solis competit, quem ῥόον γυναικείον muliebrem in genere appellat, §. *apbor. 56.* ita duplex hic ipse est, αἱματώδης *sanguinolentus*, ordinarius & naturalis, & λευκός *albus*, quos conjungit *l. 2. de morb. mul. c. 76. t. 6.* Galenus similiter muliebrem profluvium vocat *l. 6. de loc. aff. c. 5. & l. 3. de Sympt. caus. c. 4.* ubi inter uteri rheumata illum subinnuere videtur. Aristoteles vero τὰ λευκὰ *proprie* in puellis considerat, quæ loco menstruorum ipsis eveniunt, cum sanguis incoctus & crudus est, *l. 7. hist. anim. c. 2.* Dicitur etiam ῥῆς τῆς ὑστέρας, Fluxus matricis ab Erotæ vulgò Trotula de *pass. mulier. c. 23.* Ludov. Mercat. *l. 1. c. 15. de mulier. affect.* Job. Heurnio de *morb. mulier. c. 4.* Fernel. *l. 6. patholog. c. 16.* Diuturna uteri destillatio ab Aetio Tetr. *4. serm. 4. c. 65.* Fluxio uteri Paul. *l. 3. c. 63.* Symptoma uteri Albertus Bottonus vocat de *morb.*

mulier. c. 57. & quidem in exeunte mutato. Præterea fluor uterinus, fluxus albarum humiditatum, alba uteri purgamenta à felicissimo Fel. Platero Tract. 3. l. 2. c. 7. & L. Septal. animadvers. l. 5. §. 146. p. 259. Purgatio, menses albi, licet improprie; Aliis Gonorrhœa notha appellatur, vel vulgaris, quod occurrit apud Lang. l. 2. epist. 5. quibus materia hujus fluxus seminale recrementum videtur, qualis in viris contingit. Quin & uteri catarrhus juxta Schneiderum ascititio nomine insigniri potest haud incommode, tum ob materiæ catarrhosæ ἀναλογίαν quandam, tum ob fluxum interpolatum, & potissimum lymphæ, ceu materiæ, & vasorum ejus, glandularumq; haud levem culpam. Germanico idiomate exprimitur, der weiße Fluß / oder Weiber-Fluß.

Ab excreto itaque humore fluor dicitur, albus vero à materia sanguini contradistincta.

CAPUT II.

Πεπραματολογία tractat.

CUM malum hoc & colore & fluore molestum sit, ac insensum fæminino generi, & decori ejus contrarium, in naturam & rationem ejus formalem penitus inquirere opus est. Nempe communi medicorum suffragio inter res p. n. ad Symptomata refertur, eaque excretorum. Cum enim secundum naturam in fœminis seorsim, præter sanguinem menstruum strictè sic dictum, acquisitâ pubertate, per uteri vias & verenda nullus humor emanare debeat, spontè patet, vitiosum esse fluorem album, extraordinarium, intempestivum & p. n. à sanguine alienum, & distinctum, adeoque naturam lædere. In specie verò inter excreta in qualitate, sæpè & quantitate, loco, tempore, & aliis accidentibus peccantia interseri meretur, cujus definitionem ponimus sequentem.

Fluor albus est inordinatus lymphæ in glandulis uterinis stagnantis & ichorescentis p. n. per muliebria effluxus, vel ab archeo uteri irritato, vel glandularum laxitate dependens.

GENUS h. l. cum vix commodius suppetat, effluxus est, modum simul floris exprimens; Fluit enim in affectis materia magis vel minus fluxilis, instar muci è naribus, vel ichoris è fonticulis. Inordi-

natus dicitur, tùm *respectu temporis universalis*, quia in aliis continuò ferè fluit & quotidie, pro ratione materiæ acris magis & irritantis, vel gravantis copię, ad extrusionem sollicitantis naturam; in aliis periodicè & statis temporibus seu per intervalla repetit; aliis bis terve in mense citrà ordinem inter duas purgationes profluit, modò nullo ordine, certâve periodo. Vid. *Rod. à Castr. de morb. mulier. c. 4.* Tum *particularis*, intuitu menstrui & collatione cùm ejus fluxu, qui inde nomen habet, institutâ, quem modo præcedit, modò comitatur, modò sequitur, quod sæpissimè fieri *Rod. à Castro c. l.* asserit, confirmante *Exc. D D. Pras. Theorem. p. 79. §. 72. & Plater. observ. libr. III. p. 781.* Vel intermedio accidit tempore, imò in graviore statu ipsorum mensium loco visitur, & suppressis quoque adest mensibus. Hinc distinguitur hic fluxus à nonnullis in legitimum & spurium; illum dicendo, qui continuò & promiscuè citrà statam temporis periodum indifferenter affligit; hunc, qui per intervalla sive vices repetit, reditque.

Quod autem materiam hujus fluxus concernit, de quâ paulò post fusius agemus, lympham diximus, sive serum, quod omnium humorum tincturas imbibere potens, hinc vario colore exiens observatur, uti in differentiis clarius patebit infra, quamvis *ως ἂν τὸ πολὺ* fluor albus salutetur.

DIFFERENTIAM à subjecto, materiâ, causis & viis desumptam reliqua verba innuunt, unde differt à gonorrhœâ, si quæ datur vera, stante recentiorum de ovario hypothesi, à mensibus decoloribus, ab uteri abscessu & purulento effluxu, & cœteris similibus affectibus.

CAPUT III.

Subjectum sive Partem affectam inquit.

Cùm sexum muliebrem tantummodo tangat & angat hoc malum, colligi vel inde necesse est, partem illam, ob quam est, quod est, foemina, UTERUM potissimum in eodem affici, vel saltim symbolam suam huic addere.

Quare, ut partem affectam sollicitè rimemur, de quâ contentio-
nis ferrâ reciprocatur inter autores, uterum h. l. tanquàm machi-
nam hydraulicam particularem, Polydædalæ naturæ artificio factam,
in abdominis cavo concipere licet. Hæc, juxta Anatomicos, glandulis,
vasis, poris, ductibus, cribris instructa est plurimis, & usibus va-
riis destinatis. Hinc non tam ut generationis officinâ & domicilium
embryonis, seu nutrix ovuli, considerationem nostram subit, quam
quatenus glandulæ & vasa lymphatica eidem famulantia cum reliquis
partibus ejusdem affecta fluori albo producendo favent.

Huic locum & nomen concedit uterus, qui diversimodè spe-
ciatus, tum activè, tum passivè se habet; h. e. ut Medici loqui amant,
modò subiectum excretionis & collectionis, sive recipiens, se-
cundarium; modo generationis, sive fons, & primarium.
Aliis subiectum causæ & symptomatis, pro diverso respe-
ctu, dicitur, prout afficiendi modus variat, & vel per essentiam, vel
per consensum in his illisve subiectis affectus fuerit. Quâ adhibitâ
distinctione, tanquàm filo ariadnèo invento, ex labyrintho veterum,
circa subiectum sive partem affectam dissentientium, quos longâ se-
rie enumerat *Schneiderus de catarrh. lib. 3. c. 8. & Rod. à Castro in Schol.*
c. 14.. &c. facilius dabitur exitus. Illi nempe utero non affecto flu-
xum hunc fieri posse, *Galeno* duce *lib. 3. de caus. Sympt. c. ult. & 6. de*
loc. aff. c. 5. statuunt, quem tamen fluxum magis muliebrem quàm
uterinum dici debere volunt, utpote, qui posterior ex illorum hy-
pothesi, ab uteri particulari magis vitio oriatur, & ex ejus locellis tan-
quam excrementum tertiæ coctionis glutinosum & ichorosum pro-
veniat, prior verò à toto, ut ajunt, corpore, sive certâ parte, ceu
termino à quo, ad uterum amandetur. Verùm, cum antea dicta lo-
ci & foci distinctio totam dirimat litem, neque glandularum, exacta
saltem, & vasorum lymphaticorum notitia penes Veteres fuerit;
cumque floris muliebris & uterini passim apud Autores promiscuus
sit usus, quamvis in praxi attendi mereatur hæc differentia, & fun-
damentum quoddam subsit, hinc merito uterus & ejus partes com-
plexè sumptas pro subiecto symptomatis agnoscimus.

Qui subiectum hujus Massam sanguineam statuunt, per uteri
vias sese expurgantem ab excrementis, & in eâ culpam quærunt so-
lam, intacto & illæso utero, non satisfaciunt phænomenis circa hunc

fluxum observandis, quin confundendo sanguinem cum sero, partem affectam cum materiâ, & abstrahendo sanguinem à partibus solidis, concretè tamen spectandum, plurimis se immiscentricis & difficultatibus subjiciunt. Nullum enim hic fluxus commercium habet cum sanguine, neque ex hæreditate ejus peti potest materia sæpe copiosa effluens, nisi cum vitæ detrimento, præsertim quòd idem fluxus chronicos usque terminos perseveret, citrà patientis interitum. Licet in massam sanguineam, tanquam in mare, refluat totius corporis lymphæ; attamen separata etiam visitur in suis vasis, lymphaticis hinc dictis, & glandularum poris. Adeoque *ἄλλος* est à sanguine, qui non nisi remotè subiectum materiale statui potest.

Afficitur ergò uterus potissimùm quoad poros, glandulas, & vasa lymphatica, quæ uti in aliis partibus totius corporis *περ' αὐτοψίας* plurima sunt, de quibus *Olaus Rudbeck*, vasorum lymphaticorum perscrutator industrius, *Th. Bartholinus*, & alii; ita & in utero reductioni lymphæ à naturâ destinata sunt. Hæc in brutis *Wepferus hist. & observat. apoplectic. 13. p. 383.* ab uteri cornibus, tenuibus exordiis in ductus insignes excrefcentia, in testibus foemininis *Wartholnus*, & *Regn. de Graaf de organ. mul. c. 8.* plurima ab utero oriri dicit, quæ externam ejus substantiam perreptando sensim coeunt, & rivulorum ad instar augescunt, donec ad magnum chyli lymphæque commune receptaculum, ubi terminantur, pervenerint, quorum delineationem repræsentat laudatus *Rudbeck. Tab. VII. & VIII.*

Cùm autem perpetuus sit inter vasa lymphatica & glandulas in corpore nexus, & societas, annotante *Exc. DD. Pres. in physiol. Sect. III. c. 28.* ita, ut nullum in corpore, teste *Stenone*, aliisque anatomicis, visum fuerit vas lymphaticum, quod non oriatur à glandulâ, vel in glandulam quandam inseratur, utpote cùm glandulæ cribra propria sint serosi humoris à fluido interno secernendi, vel secreti, omninò necessarium est, glandulas adesse in utero, quæ licet sensum fugiant, non tamen hinc negandæ, quod de vasis lymphaticis asserit *Ol. Rudbeck. Exerc. anatom. de duct. aquos. c. 10. fol. 314.* Invenit easdem in utero muliebri conglomeratas, cum suis vasis excretoriis elegantibus, *Bartholinus*, quas in vaccâ descripsit in *libr. de diaphragm. p. 107. & seqq. vid. Act. Hafniens. Volum. IV. obs. XX. ex literis Cass. Barthol. ad patrem*

transmissis, & p. 24. de ovaris. Atque hæc naturæ inviolabilis lex est, ut ubicunque serum à sanguine secernendum, glandulas huic fini aptaverit; cur easdem ergò utero, ubi plurima vasa, unde & πολλοὶ αἱμοὶ circa uterum sunt foeminæ, denegabimus? Dari eas porro in uteri cervice, quæ constituitur ex fundo sensim angustiore reddito, desinente in angustum osculum, cujus substantia est glandulosa, *Hornius* probat in *microcosm. epist. annexa* p. 124. Imò juxta *Beck. in medit. circa rerum nat. princ.* p. 193. etiam Vagina uteri glandulosa, & porosa est, ut continuò quædam lymphæ solcat transfudare & genitalia humectare in congressu viri. In specie id de prostaticis foeminarum valet. *Grafius* enim in *Tr. de organ. mul. c. 6.* observavit ductum urinæ in mulieribus circumdatum esse membranaceâ & glandulosâ substantia, analogâ prostaticis glandosis virorum, quæ hiat in uteri orificium externum certis canaliculis ac ductibus, ex quibus liquor serosus in coitu mulieribus fluit, qui etiam ipsarum semen, licet improprie, vocatur; & exin gonorrhœa muliebris vulgò stabilitur. Et c. 8. uteri, præsertim colli ejus, substantiam quodammodo glandulosam, & ductus per eam dispersos humorem serosum compressione factâ extillare asserit. *Sylvius* quoq; *Prax. libr. III. c. 4. §. 43.* uteri substantiam proximè accedere ad naturam glandularum perhibet.

Has verò variè affectas esse, laxatas vel irritatas, cum suis vasis, arguunt insuper observationes in dissectis post mortem foeminis, fluore albo laborantibus, annotatæ; quandoquidem nullibi non in glandulis conspicuum fuit vitium, tum vicinis lumbaribus, & uterinis, tum & in abdomine, & toto deinceps corpore; induratae enim repertæ sunt, in aliis fundentes ex se humorem crassum, sebaceum, flavescentem, quin & vasa lymphatica distenta, turgentia visa. In aliis circa testiculos hydatides, & in tubarum extremitate, sat magnæ conspectæ lymphæ turgentis insipidæ; item in aliis uterus scirrhus, exulceratus, prostaticæ exulceratæ, vel aliter affectæ, quin & in uteri collo ipso inter rugas seu fibras potius sæpè diversæ magnitudinis hydatides repertæ, annotante *Grafio l. c. p. 100.* uti ex *Job. de Muralto Exercit. de lymphâ & salivâ in annexis §. 11.* & aliis collegit *Bonnetus Anatom. Pract. lib. 3. Sect. 36. p. 1354.* qui uberius consuli potest.

Nullum ergò dubium amplius relictum est, quin glandulæ uterinæ, cum vasis lymphaticis, potissimam hujus affectus partem absolvant, nisi quis partium studio addictus secus statuerit, inque illis omnis omninò culpa fluoris resideat, quæ, uti subtilissimæ sunt substantiæ, sic facilius læsionem subeunt, vel à contento humore, sive lymphâ acri nimis, acidâ, vel falsâ, vel turgescencia ejus nimia, aut coagulo inducto, sive externis causis comprimentibus, erodentibus, laxantibus, unde fonticulus hic microcosmi p. n. oritur.

SUBJECTUM ADÆQUATUM, sive causæ, sunt viscera primæ & secundæ coctioni destinata, h. e. viscera chyli secretioni, & seri depurationi inservientia, ut ventriculus, hepar, lien, pancreas, mesenterium, quin & cerebrum, ut pars glandulosa, & omnes totius corporis glandulæ, cum vasis lymphaticis, & quæ de earum naturâ participant viscera, sero generando & cumulando velificantia, secernendo & excernendo improbam navantia operam, verbo, circulationi lymphæ obicem ponentia, tum in toto, tum in parte.

Ex hepatis imbecillitate, seu impedito fermento, vel imminuto, propter quod chylus non perfectè in cruorem transmutatur, in specie deducit *Grembsius arb. integr. & ruinos. libr. 2. c. 1. §. 12. de defect. organ. hum. gen.* ex falsâ sanguificationis hepatis hypothese adductus; nobis potius ob vasorum lymphaticorum numerum, quem in sinu gerit suo, huc facere videtur.

Ventriculum uno ore omnes cum hepate accusant, ob ἀντιπερὶ-
ξίαν, sive contrariam, & sibi invicem & toti actionem resultantem, quâ ille acido fixiori oneratus, & laxior, seu frigidâ intemperie, serosum, crudum, & potentiâ frigidum reddendo chylum, hoc biliosas non ritè secernendo scorias, vel cumulando superfluas, calidâ peccat, unde vitiosus chylus vitiosam suppeditat lympham: utpote qui radix & fundamentum est cæterorum humorum primum.

Huc accersere sis Jus Duumviratus lienis & ventriculi, & consequenter uteri, *Helmontio* ita non sine ratione dictum, quatenus principalia hæc viscera non parùm se respiciunt, quorum utriuslibet actiones læsæ in alterius redundant incommodum, sive sensibilia, sive insensibilia mutuò foveant, alantque collegia.

Patebit autem tùm ex relatione & historia ægræ, tùm ex causis prægressis occasionalibus, dispositivis, præparantibus, tùm ex signis hujus vel illius visceris actionis læsæ, tùm ex aliis circumstantiis, quæ proximius vel remotius, primario & per consensum, magis vel minus, ad hunc fluxum, & materiam ejus fecerint, & causam suppeditarint. Compertum tamen est, plurimas, teste *Sennerto in Praxi, l. de Morb. Mulier. part. 2. s. 2. c. 12.* si non omnes, cruditate ventriculi laborantes, in hoc malum incurrisse, quod, juxta vulgatũ medicorum assertum, coctionem primam læsam sequantur & secundæ & tertię vitia, adeoque ubique vitium suum explicet mala χύλωσις, hanc αἰμάτωσις excipiat vitiosa, & tandem mala nutritio sequatur. Quantum igitur in primâ culinâ situm sit, vel inde cognoscere est.

In specie sub hypochondriis occultata viscera h. l. pati magis minusve, & ad lympham, serumve vitiosum generandum, colligendumve conferre, evidenter testantur mulieres hypochondriacæ, & scorbuticæ, quibus hic fluxus sæpenumerò contingit, uti quidem *Exc. D D. Præs.* observavit, quale exemplum etiam *Acta Hafniens. Volum. V. p. 123.* produnt. Apertè idem loquuntur signa diagnostica, statûs partis naturalis mutati conditiones, & hinc actionum læsiones dependentes connotantia. Modi verò afficiendi cùm pro causarum afficientium diversitate mirum quantum varient, & agentium juxta ac recipientium passivorum infinitæ sint alteritates, ab humidarum ad solidas, & spirituosarum ad easdem, mutuâ proportionem læsa, sive in motu, numero, figurâ fundetur, & pororum symmetriâ vitiatâ, viscerum sanitatem lædi, & vice versâ, integris his, servari quoque integram, dubio procul est.

Partes glandulosas demum, sive glandulas feri receptacula, colatoria, diverticula, secernicula, vel eo nomine accusandas duco, ubicunque etiam in corpore hærentes communi usui debite non vacant, quod lymphæ in quantitate, qualitate vel motu peccans earum culpam vel remotè saltim præsupponat. Inde morbi à lymphâ oriundi communem sortiuntur causam materialem, & ad glandulas & vasa lymphatica potissimum respiciendum esse, quasi digito monstrant. Hæ namque serositatis seu lymphæ in corpore dispensatrices, quam ex arteriolarum extremitatibus & plexibus imbi-

mbiberunt, substantia sua perficiunt, depurant, & per excretoria sua vascula, motum hinc illius promovent. Morbi verò glandularum, ad duritiem vel scirrhescentiam tendentium, vel laxitate contra peccantium pororum, vel alias affectarum, tum in toto, tum in parte, occallescentia pororum ibi quasi inducta, hic unitate quasi soluta, vel à fermento acidiori fixato in iisdem humore, multum promovere possunt circulationis feri vitia, & data hic ~~saes~~ alibi effluxum causari. Hinc *Sylvius* præ aliis pancreaticas accusat glandulas in hoc affectu. Et quod de glandulis in genere, id seorsim quoque valet de cerebro, jam dudum ab *Hippocrate* glandulæ magnæ nomine insignito, cum quo uterus maximopere consentit, ratione membranosi, nervosi & glandulosi generis, spirituum & sanguinis perpetuæ communionis, id quod in affectibus mulierum caput impetentibus palam & in confesso est.

Ratione catarrhi verò seu fluxus hujus albi, & destillationis ejusdem, tantum abest, ut à capite, more veterum, ruere & tendere ad uterum per nervos, spinam, & alias occultas nobis persuadeamus vias, ut potius missâ hac vana hypothese, si cum cerebro quicquam commune habet hic fluxus, omne a glandulis, & vasis lymphaticis, eorumque contento dependere putemus; quod lymphæ motui, & circulo impedito hæcenus adscripsimus. Et licet catarrhi sæpe & defluxiones aliæ, narium v. gr. in coryza, & oculorum, in nonnullis præcedant, comitentur, vel succedant fluxui albo, non tamen exin inferre licet, nisi fallaciam non causæ ut causæ committendo, cerebrum in culpâ esse, cum feri ubique emunctoria in corpore, & præsertim in capite existant, quæ si ritè constituta secernendo excernant excrementa sua, sub archæi dominio, benè agitur; sin impedimenta, obstructions, intemperies, & alia obstituerint, suo excidit sine pars, & lymphæ exorbitat. Hinc & cerebrum à consortio lymphæ non immune, si ob pravam ejus constitutionem, & quidem frigidam humidam nimis, serum ibi primam labem concipiens, mediante sanguine ad partes inferas tendat, eatenus ad hunc affectum conferre posse occasionaliter saltem, & remotè, excusari potest, quod tamen ex speciali cerebri temperie læsâ, per signa manifestum potest fieri ei, qui

tempore prius affectam partem, & dispositionem subjecti ægri attentius spectaverit. Quare cerebrum, in fluore albo, insons modo in quibusdam, nec nisi per longam consequentiam, & generalissimo concursu ad leucorrhœam hanc quicquam facit. At cum de proximiori subjecto, & mali sede potissimum sub hac generali διακρίσει nobis sermo sit, licet & in aliis focum agnoscere possit partibus, & ad uterum transfundi partium principum vitio procreati humores, ut per uterum tanquam *πνευματικῶν* excernantur, in eas tamen specialius inquirere nunc non licet; hinc ad causas progredimur.

CAPUT IV.

De Causa immediata & mediata proximiori.

Cum unius rei plures esse possint causæ, quæcunque vel proximius, vel remotius huc concurrunt, ordine quasque suo rimabimur, à proximâ & IMMEDIATA ordientes, quam h. l. statuere æquum est Archeum uteri irritatum, seu, quod veteres dixerent, expultricis & retentricis vasorum uteri irritationem, à materiali heterogeneo, partibus, in specie glandulosis inductam, unde facta constrictione exprimitur lymphæ male habens, quò recidit imbecillitas vasorum, & glandularum tonus laxatus, transmittentium & plorantium lymphaticum hunc humorem. Est autem uterus pars ut membranacea, sic etiam, ad instar aliarum, maxime *Καϊσθητός*, amolens à se peregrinum omne, & extra se foras eliminans, ab impulsore spiritu p. n. motus. Hinc ob glandularum debile robur, & fibrarum stringentium læsionem, vasis lymphatici angustiam præterlabitur lymphæ ichorefcens, & aberratione viæ per oras muliebres fit excretio, præsertim si concurrente vel prægressâ nativâ, vel ab errore externo adscititia intemperie, frigidâ humidâ, cum materia, h. e. caloris & humidi circâ uterum proportionem læsâ, foveatur hoc malum, adeoque ad decubitum & *στάσις* lymphæ aptior magis reddatur.

CAUSA MEDIATA PROXIMIOR est lymphæ circulatio læsa, si-
ve motus retrogradus impeditus, & ichorescentia. Quippe, cum ex
feri undis proveniat hic humor, lympham tanquam causam con-
tinentem, & materialem fluoris albi utique habendam esse, indu-
bium est, quæ tùm in utero potissimum, & circa glandulas ejus
stagnans, extravasata, vappescens, & ichorescens, omnem hic ab-
solvit paginam; tùm extra hoc clima copiosius genita, vel à toto,
vel à partibus transmissa, & ad partem debiliorem appulsu facto,
fluorem album promovet & auget, vitio fermenti & loci magis
inquinante, & vitiosum eidem characterem suggerente.

Quoad glandulas autem, & vasa lymphatica, vitium occur-
rit in transcolatione, & receptione lymphæ denegatâ, vel impedi-
tâ; non reducta verò per vascula sua lymphæ in poris hæret, sta-
gnat, coagulatur, in vasis turgescit, & distensione earundem so-
lutionem continui inducit, quod imprimis suspicari licet, si qua-
litate simul peccans lymphæ, extraversis salibus, erodat glandulas,
vasorumque tenuissimam compagem disuniat. Quâ datâ inordi-
natione, & læsione fibrillarum, excidens suis è torulis lymphæ ec-
centrica non amplius sub vitali archæi potestate, conditiones ex-
crementi nata, in ichorem serius ocyus fatiscit, & morâ factâ cor-
rumpitur, vappescit, proque vario corruptionis gradu, longiori
subsistendi morâ, & adscitâ acrimoniâ, sub hoc vel illò schemate
mutata exit.

Hinc secundum *modum essendi* peccat (1) *quantitate* & copiâ;
Dum excrementitiæ crudæ plures generantur, quàm alimenta-
res in corpore particulæ, nec suis in locis debito modo secernun-
tur, unde nonnunquam continuus est fluxus in nonnullis, & diu-
turna molestia, à materiæ continuo ad excretionem sollicitantis a-
bundantiâ, non aliter, ac in foniculis affluxum fieri, derivatis &
assuetis illuc humoribus, cernimus.

Peccat (2) & magis quidem *qualitate*, eaque diverso ex co-
lore, & odore, quin & consistentiâ variâ, cognoscenda. Unde
modo crassa, glutinosa, in aliis tenuis, serosa, ichorosa, mucosa,
cremosa, ovi albumini similis, vel cremori, interdum pallida ma-
gis, vel citrina observata est, prout variis intus fermentis imbuta,
& ab aeris appulsu extra magis alterata hæc vel illâ apparuerit
specie;

specie; Uti & à salibus commixtis quandoque deturpata occurrit, acrimoniâ modo implicitâ magis, modo explicitâ. Frequentius tamen alba ferè visitur, unde etiam nomen habet, de quâ elegantem observationem habet *Severin. Pinaus l. de not. virginit. 1. Problem. 3. p. 80.* Qui in dissectis cadaveribus virginum, & mulierum, uteri profluvio albo, dum viverent, laborantium, quamvis ob alium quidem morbum gravem extinctæ fuissent, talem humorem oculis usurpandum notavit. In utero enim earum humor limpidissimus inventus, (unde verò ille, nisi de naturâ feri?) ex cavitate ejusdem guttatiim stillans, per verum collum, in sinum pudoris, in quo candorem tantum acquirebat is, ut cretam, aut calcem aquâ dissolutam dixisses; in aliis etiam majorem, in aliis minorem ejusdem missionis crassitiem, advertit idem.

Huc referendum videtur commodè smegma uterinum, à colore & consistentiâ à *D. Olao Borrichio Vol. III. obs. 33. Act. Hafniens.* ita dictum, & observatum in fœmina 40. annorum post sterile conjugium in secundis nuptiis gravidâ factâ, ultimis mensibus excernente liquorem crassum, densumque, ita album, ut nivem provocaret. Cujus crassamentum, ejusque origo ambiguos reddidit *D. Simonem Pauli, & Ol. Borrichium*: At quantos Viros! Quid autem obstat, serum chylosum h. l. materiam præbuisse, existimare? quin & alioquin ab aëre frigido, variè admissio, & interponente se particulis serosis, album præ se ferre humorem? veluti mucus narium sæpè & saliva hunc induunt, qui prius in vasis fluxilis jam coagulari incipit, non excluso tamen acore, sæpè conjuncto, à glandulis uteri fortean profecto, vel aliunde facile susceptibili & propagabili, nec non particularum terrearum, in visceribus non separatarum, cum serosis chylosis oleosis confusione, & in glandulis uterinis factâ præcipitatione. Unde ad occursum aeris promptius se sistit albus humor, qui calore & motu deficiente, extra corpus elapsus facile crassescit & spissescit, uti serum crudum coctione, & coagulatione & inspissatione albedinem contrahit, & serum ex venâ sectâ quoque lentescere solet. Imò in statu p. n. in hydropicis, post mortem, varios coagulationis & consistentiæ extravasatæ lymphæ gradus studiosè notavit *Barbette in pr. c. 4. l. 4.* qui primò tenuem & fluidam, deinde gelatinosam, tertio concretam, tandem duram & steatomatosam observavit lym-

lympham, ex quo varietates coagulationis, & modi tot in corpore & extra corpus, à fluxilitate descendentis lymphæ, egregiè emergunt.

(3) Peccat Ichor serofus *motu generationis & locali*; illo, quatenus ventriculus & primæ viæ vitiosum chylum, hic vitiosam lympham produxit, adeoque prima quasi materiæ albæ hîc incunabula posita sunt. Negata enim chylo debita aerascentiâ & *μετεωρώσει*, & evolutis minus particulis chylosis nutritilibus, calore cum fermento debilitatis, obstructisque glandulis, cruditas consequitur, imperfectæ coctionis certissimus effectus, ex quo in cæteris non repurgatus visceribus chylus, nec à corde exaltatus, vel in sanguinem verti aptus natus, ab usu illorû labefactato, vel impedito quandoque, multarum ærumnarum in corpore fomentum præbet. Hinc salia nec transpiratione debitâ extra corporis limites cum humido evaporabili ablegata, nec separata in renum glandulis, vel in aliis publicis segregata emunctoriis, acrimoniam, quam sæpè in uterinis glandulis explicat serum, excitant, ab eodem vehiculo ad partes has illas eò promptius allata, quò recipientis major vel minor resistendi & superandi eadem fuerit aptitudo.

Inter alia autem chyli, lymphæque impedimenta, tum vasorum & viscerum obstructions, intemperies, laxitates, aliæque indispositiones existunt, tum præsertim generantium & mittentium partium vicem tueri possunt, quæcunque ad feri in corpore & partibus abundantiam, chyli cruditatem & imperfectionem, quocunque modo concurrunt, de quibus antea dictum.

Hôc vero, sive motu locali ad uteri glandulas procumbens peccat humor, quatenus vel non alimentarius est, & hinc aptè non recipitur, vel ibidem à fermento peregrino concepto, vel illato, depravatus, datâ portâ exitum affectat. Duo enim huc potissimum affluunt naturaliter humores, sanguis & serum; ille menstruâ periodo, per naturalem *πόρην* & *ὄργανον*, per plurima vasorum oscula, tanquam superfluum à nutritione corporis, hîc exitum affectans, hoc, ad alimentum & alios usus confert. De priori autem non participare fluorem hunc, ex eo clarum est, quod menstruatis etiam nihilominus accidat; lymphæ ergò sobolem magis esse asseruimus, peregrinam in uteri loculis induentem naturam, & adulteram fa-

Etiam, hincque archeo ingratam moventem irritationem, & per oras muliebres expulsionem. Estque hinc vel *digestionis* illud vitium, quod succi adducti non maturentur, non coquantur, vel assimilentur potius, indeque quasi præcipitatio fit, & turbatio humorum ob frigiditatem; vel *transmissionis* est recrementum, quod suscipit alias debilis & opportunus uterus, non aliter ac natura motum sæpe criticum instituens à se amolitur noxia quæque, & ad glandulas intestinales, in alvi fluxu, ad inguinales & axillares, uti & subcutaneas glandulas, in veneni pestiferi exclusione, ad glandulas colli, faucium & aliarum partium, in catarrhis, serosas ejicit quisquillas, ita & ad uteri littora ac glandulas derivat aliorum viscerum errata.

VIAS & vasa quod spectat, quæ medium hujus fluxus constituunt, præter communes, poros, & vasa advehentia arteriosa spermatica, plurima ab hypogastrica & epigastricâ oriunda, hinc uterina dicta, fundum, cervicem, orificium internum, & collum seu vaginam comitantia, atque per varias anastomoses hinc inde copulata, proprias vias, vasa lymphatica cum glandulis, inprimis accusandas esse existimamus, potissimum circa uteri confinia sitas prostates, & alias quoque, quæ, ut supra dictum, variis modis læsa revehendo cum venis latici seroso, ceu muneri suo, non ritè vacant. Atque hujus asserti evidens argumentum est, quia suppressis mensibus etiam in nonnullis observatur hic fluor albus, unde iterum colligere est, per eosdem ductus sanguinem menstruum, & albam hanc eluviam non excerni. Inprimis autem per ordinaria vasa fluentibus menstruis, & durante tamen fluore albo, adesse aliquando erosionem seu dilationem nimiam, tenuissimorum horum, & foliorum villos sæpè æmulantium vasculorum, verisimile est. Imò & poros uteri oleosas & crassas retinentes portiones, serosas verò & fluxiles dimittentes, obfiguræ & conformationis diversitatem, concipere non inconveniens est.

A vasis verò lacteis, sive chyloferis propriè dictis, quas plurimi ad uterum tendere statuunt, & succo nutritio nervorum, qui fluorem album derivare volunt, videant, qui stabiliant sententiam suam, & cum antagonistis convenient. Quamvis enim lassitudinem, & spinæ debilitatem, qui posteriori favent sententiæ, accommodè deducere

ducere sibi posse videantur, vid. *Lower. de motu cordis c. 2. p. 114.* per illos tamen canales, solis æthereis corporibus pervios, tam crassam ad uterum vix labi posse materiam, asserit rectius *Höchstetterus in observat. c. 1.* Sufficiat nobis in vasis lymphaticis, & glandulis hætenus ad illustrationem hujus affectûs subsistere, dum meliora tempus suggerat. Hariolari etiam cum *Grafio* licet *c. 8. p. 113.* vasa lymphatica aliquando pro lacteis imponere potuisse, quod improbabile non est.

CAPUT V.

Causas mediatas remotiores tractat.

Cum solis foeminis proprium hunc fluxum esse, jam suprà dictum sit, nihil seorsim de SEXU monendum restat; hinc ad reliquas CAUSAS MEDIATAS REMOTIORES, NATURALES dictas, progredimur.

Occurrit inter has TEMPERAMENTUM serosum, humidum & frigidum, sive phlegmaticum, disponens ut plurimum ad hunc fluxum foeminas magis. Dicit enim statum caloris justo minorem, &, subjugatis particulis sulphureis, prædominium serosarum, non in toto solum, sed & in utero sese exerens; quæ enim præhumidos habent uteros, magis obnoxia sunt huic albo fluxui. Hinc catarthosas, & aliis destillationibus, & huic quoque sustinendæ aptiores esse, exin patet, quod calor genitis indies & cumulatis serositatibus discutiendis impar, abundare faciat serum, modò his, modò illis locis. Glandulosas autem partes naturâ frigidas, respectivè minus accipere sanguinis, & caloris pro substantiæ suæ ratione, & receptivitatibus modulo, uti credibile est in statu naturali, ita in præternaturali, seu gradu caloris jam tum remissiori, id fieri magis, verum est, præsertim in partibus à foco remotioribus. Si serum itaque, sive humidum, vel naturâ, vel errore diætæ abundaverit, calorem obtundi vel imminui necessum est, & hinc frigidos excludit effectus, ad quos ferè inclinat quoque fluor hic albus.

Neque tamen solis phlegmaticis & serosis, quibus magis udus est sanguis, accidit, quin & sanguineo & bilioso temperamento præ-

ditas experiri idem, inter alia phænomena, circa hunc observanda; *Excell. D. D. Pres. in Patbol. parvâ* docuit, ut variantis colore sæpe numero in fluxu hîc humoris, & stimuli ratio vel inde quoque facillè deduci possit; quamvis viraginibus, & quibus solidum, ac siccum magis corpus, vel parcissimus sit, aut quâdam insensibili digeratur transpiratione, teste *Höchstettero rar. observ. Decad. 4. cas. 1. p. 298.*

Quamvis *ÆTAS* consistentiæ, si ordinarium statum lustremus, magis apta sit ad hunc fluxum, quando non absumitur amplius, ut prius, superfluum, & humores sensim, sensimque vappescere incipiunt, quod de ætate declinante jam dudum asseruit *Cous. l. 2. γυναικείων c. 1. t. 1.* unde & *Sylvius Prax. Med. l. 3. c. 4. §. 8.* primam ætatem sive infantiam rectè exclusit: attamen infantes quoque, & puellas teneriores id aliquando expertas esse, experientia rarior probat; uti legere est apud *Severin. Pinæum opusc. phys. & anatom. de not. virgin. l. 1. problem. 3.* *Bonaciol. Ennead. muliebr. c. 3.* *Fernel. l. 6. παθολογ. c. 16.* *Rod. à Castro l. 1. de morb. mul. c. 14.* *Höchstett. observ. Decad. 4. cas. 1.* *Schneider. l. de catarrh. 3. c. 8.* Confirmat idem historia de puellâ 6. annorum fluorem album patiente, in *Act. Hafn. Vol. 1. obs. 83.* annotata. *Melch. Sebiz. Exerc. Med. p. 441.* in puellâ quadam se deprehendisse dicit, & *Excell. D. Pres. in duodecenni* observavit. Quin & *Aristoteles* suo jam ævo scripsit *l. 7. bist. an. c. 1. καὶ παρθένους πᾶν νέους*, admodum puellis, quibus nondum per ætatem fluxere menstrua, etiam visi ejusmodi fluorem, & contingere alba, ut vocat, menstrua, & magis, si cibo utantur ὑγρῷ humido, sed incrementum impedire corporis, & puellas extenuare, ob humidum frustratas; unde suspicari h. l. liceat, glandulas aliquando p. n. etiam in hac ætate affectas, protuberare, intumesceri, & emittere humorem lacescitas, quod tamen in raris habetur. Frequentius tamen evenire, & incipere circa tempus instantium primum fœminis menstruorum, quod ordinariè & regulariter anno duodecimo, decimo tertio & quarto, præter propter, contingere solet, à *Sylvio c. l.* annotatum, pro causarum scil. & subjectorum conditione & ratione diversâ. Hinc Virgines, quas pallor decoloravit, hîc ipso affectas fuisse, hæcque variarum nationum & terrarum incolas, honestissimas, integerrimæque famæ, tum in Hispaniâ & Galliâ, tum in Germaniâ, per tri-

enni.

ennium ante menses erumpentes, vel ob caloris debilitatem, vel cruditatum abundantiam, album fluorem passas, vidisse se & curasse αὐτόπτης testatur Rod. à Castro. Fernel. l. c. River. cent. 1. obs. 46. Höchstetterus, Smetius in *Miscellan.* & alii. Unde fallit Montani sententia, & eum sequentium, qui l. de uter. affect. qui extat Tom. Gynæc. ab Israel. Spachio edit. p. 308. Virginibus denegat hunc fluxum, ob viarum adstrictionem, quæque hunc experiantur, vitiatas & defloratas perperam pronuntiat. Hujus sententiæ infirmitatem, præter experientiam, ante dictam, huic apertè contradicentem, & multarum controversiarum medicarum arbitram, rationum insuper momentis refutatam, videre licet apud Sennert. l. de morb. Mul. part. 2. §. 2. c. 12. & Schneider. l. 3. de catarrh. c. 8. Nempe opponit hic c. l. castissimas & pudicissimas puellas serosæ colluviei & destillationibus catarrhalibus exponi posse, & urgeri iisdem toto die, quidni ergo, salvâ virginali integritate, talis materia serosa per uteri glandulas & vias aliquando emitti possit? Videtur autem Montanus de seminiformi materiâ suspicionem cœpisse, quam de substantia seri esse diximus. Neq; eo tempore tanta adhuc affulsit lux arti Medicæ, quæ hodiè in glandularum & lymphæ, vasorumq; ejus invento resplendescit.

Nec maritatas ab hoc fluxu immunes esse, quin ætate vel mediâ & consistente, vel ultimâ constitutas, fœcundas vel steriles, extrâ graviditatis statum, & intrâ eundem, nec non viduas quoque ipsum pati satis sæpè molestum, Sylvius c. l. testatur, & gravidas in specie quasdam toto gestationis tempore eò laborare, asserit Charleton *Oeconôm. anim. Exercit. 8. §. 21. p. 169.* Quamvis autem nonnullis molestiorem esse, quamdiu gravidæ sunt, & pejora aliis tunc experiri tempora, laudatus Sylvius observaverit; prægnantes tamen fluore albo affectas, quæ nihilominus ad justum tempus fœtus gestarunt, & vitales pepererunt, sed puellas, vidisse se, scribit Rod. à Castro c. l. Ut adeò mirè hæc ipsa varient, pro circumstantiarum concursu.

Huc facit HABITUS CORPORIS mollior, à compage sanguinis & potissimum seri laxiori, fibris minus solidis & robustis, spirituum rariori texturâ & facile dissipabili, carnibus laxioribus, lymphâ minus activâ, nervorum robori solido parùm faventibus spiritibus lymphæ immerfis. Consignatum etiam à Practicis, colore

albidas mulieres præ aliis malo subjectas observari, quod serositatem majorem arguit, fluctuante sero plusculo in vasis, quam rubicundo sanguine,

SI ASTRALEM INFLUXUM lustrare lubido sit, observatum est, lunam & ♀em in signo humido, in VI præcipuè domo, ☐ vel ♂ hñi afflictam, huic malo velificari; illa enim humorum domina serum alterandi præ aliis gaudet potestate,

EX NONNATURALIUM CAUSARUM classe, AERIS sanè vis maxima est in motu lymphæ variando, cujus inæqualitate datâ, pro variis locis, *σείσεως* diversus consequitur effectus. Accusatur cum primis in nostro affectu frigidus & humidus, ille concentrando, hic coacervando magis serum, uterq; minùs diffilando, sive *πρεσσεισέει* suâ universali poros premat magis, vel dilatet minus totius corporis, sive ad uterum admissus ibidem seorsim teneris poris *δυσαναγωγία* inducat. Hinc in locis septentrionalioribus, & paludosis frequentius malum videas. Ideoque & in illis, quibus inferiores partes minus munitæ & defensæ ab aëre, quæque in locis frigidis & aquis lavandi causâ versari coguntur, ob vitæ genus, facili negotio fit læsio tum universi corporis, tum præsertim, ubi prius admissio facta, uteri quoque, & ex hõc errore, non solùm suppressio mensium, tumor pedum, cachexia, & alia proveniunt mala, sed & in primis nostrum hocce.

Huc referenda quoque est consuetudo prava foeminarum nonnullarum, aëris frigidi inclementiam in foro sæpè mitigare satagentium suppositis *κατὰ* prunis; inde enim ab acido carbonum gas, & vaporoso sulphure simul ad corpus translato, non potest non affici uterus quoque & alterari insigniter, datâ & hoc modo inæqualitate. Eandem verò videre licet in iis, quæ & frigiditatem hanc aëris subitaneo calido permutant, unde contrarietates majores induci corpori, maximè infirmo, necesse est, & quæ cœlum mutant, ex calidioribus regionibus in septentrionaliores & humidiores transeuntes, ut alios frigidos morbos, ita fluorem album experiri facile obtingit, aëre, locis & aquis temperamenta mirum quantum alterantibus. Taceo aëris constitutionem austrinam, & pluviosas tempestates, aptum magis fluxibus corpus disponere; inde & hyemali & autumnali tempore magis affligere, non vana est persuasio, quod æstivo

æstivo calore intensiori magis ad ambitum corporis alliciantur humores, hyemali verò magis ad intima corporis confluant.

VICTUS quantum valeat ad hoc producendum symptoma, *Höchstetterus* prolixè persequitur, & cur tam frequens mulieribus ejus loci fuerit, à communi victus causâ latius exponit. Potissimum autem CIBUS & POTUS huc faciunt, quæ quantitate, qualitate & assumendi vitiato modo ac ordine, humidum seu pituitam in corpore congerere queunt. Hinc jurulenta, elixa, lacticina, pultacea, farinacea, leguminosa & alia hujus commatis, minus firmum præstando alimentum, fatigando villos, ventriculi robur adimunt & calorem hebetando humidi excessum procurant; ob viscedinem verò & tenacitatem minus resolubilia fermenti activitatem infringunt, ejusque partes salino-volatiles obtundunt, & enervant, ex quo cruditates in sanguine postmodum cumulantur, serosæ portiones in alimentum cessuræ degenerant; & ad assimilandum idoneæ nutritionem depravant. Sic & excrementitii plurimum habent pisces, inprimis palustres, & glutinosi, qui idcirco male cedunt, quia non benè digeruntur. Caseus, fructus horarii, oleacea, falsa, pingua, frixa, dulcia, vario modo concurrentia, minus correctâ, contra regulam sanitatis dictam ingesta, primam digestionem in ventriculo salvam esse non sinunt; saburrata enim ventriculi culina deflectit ab officio, teste *Swalb. disquisit. therap. sect. 12. p. 208.* In puellis & infantibus jure merito hinc addit *Phyllan* acules. Quin & glutine viscoso pollentia, cochleæ, osireæ, nec non acris nimis, & acerba, austera, diversos sapes chylo, & hinc oriundo sero conciliantia, peccare possunt abusu. Ab acidis autem, si non produci, foveri tamen & augeri fluorem album *Sylvius Prax. l. 3. c. 4.* asserit, & inde in Belgio frequentiore, quàm alibi, putat foeminis contingere.

Sic etiam à potulentorum, inprimis aquosiorum, nimio usu, & acidularum, thermarum, nivosarum crudiorumve aquarum immodicâ ingurgitatione, *δυσπψία* oritur, materia serositatibus subministratur, & à cerevisiâ feculentâ, triticeâ, minus lupulatâ, secundariâ potâ, inutiles generantur succi, in excrementorum naturam proximè inclinantes. Verbo omnia alimenta crudiora, & excessivæ humidæ qualitatis insigne pondus huic vitio addunt.

SOMNUS & VIGILIAE, utraque si modum exceſſerint, ut ſemper malum, teſte *Hippocrate ſect. 7. aphor. 71. & 2. aphor. 3.* ita ſœminas, in his mediocritatem debitam non obſervantes, certior manet noxa, quatenus ille ſerum excrementitium in corpore augendo, hæ ſpiritus abſumendo, utrovis modo ſanitati vim faciunt, & archeo inimica ſunt. Inprimis ad motum ſeri turbandum & *σύνει* inducendam h. l. quadrare poſſunt.

Vigorem etiam ejusdem tollunt **MOTUS & QUIES** irregularia, unde ſœminæ otioſam vitam ducentes, & ſedentariam amplectentes, multis modis ſibi accerſunt incommoda, quæ ad uteri quoque pertingunt tandem œconomiam, eamque impediunt, quæ cauſa eſt oppreſſi caloris, & torpidi ſeri & ſanguinis. Quamobrem urbanæ albo uteri rheumati magis obnoxia & expoſita ſunt, quàm agreſtes, teſte *Foreſto l. 28. obſ. 20.* & ſanitate conſtantiori fruuntur, magisque ſœcundæ exiſtunt matres, quàm quæ molliſſimo cultu, otioque indulgentes domi deſident, labore & motu firmante, ignavia contra hebetante corpora.

EXCERNENDORUM conſuetudo & **RETINENDORUM** ſi minus legitimo habeat modo, neceſſe eſt, corpus lædi, & ſanitatem labefactari. Gaudet pluribus emundtoriis pro ſecernendis ſuperfluitatibus & excrementis natura, potiffimum vero ſerum per cutis poros inſenſibili tranſpiratione minus evaporans, nec per urinam evacuatum excrementitium, nec per alia loca particularia depletum, non per alvum, & menſes ritè factâ evacuatione, reſtagnat hinc, & alioſum viam quærere cogitur, ad uterū illuvie provectâ. Unde *Rolfincius l. XI. conſult. 4.* Si lunare tributum, ait, non æquè pendant ordine naturæ mulieres, vacillat ſanitas earū, nec abeſſe poſſunt morbi; ſi mucoſæ deſtillationes per nares, & ſalivales per os cum euphorîa excretæ alias, ſuppreſſæ ſint, tranſlatam huc materiam, fores pandunt huic affectui; & diſſertat. *Anatom. l. 6. c. 57.* noviſſe ſe inquit mulieres emundæ naris, quibus perpetuò humoris albi ex utero ſtiria manaret, eò quod arteriæ ad nares pertingentes, ſanguinis & ſeri impuritates eò delegatas, foras non ablegarent; ſecedunt ergo per muliebria ſordes, quæ alibi viâ excluſæ fuerant, metaſtaſi ad uterinas glandulas factæ.

V E N U S nimium celebrata in causæ vicem etiam cedit, unde promovetur sæpè hic fluxus, dum laxando nimis vias, & calorem cum spiritibus agitando, ad fluxum invitat humores, spiritus etiam dissipando partibus his debilitatem inducit, unde tonum glandosarum partium in tenerioribus debilitari, laxari poros, & vasa lymphatica ipsa lædi, vero consentaneum est.

A N I M I A F F E C T U S non carent suâ culpâ in foeminis, etiam quoad hoc symptoma. Ex illis huc faciunt tristitia, mœror, sollicitudo, terror, timor, & alia pathemata, spirituum impedimenta insignia, & sanguinis & feri circulum turbantia, quæ in foeminino genere ob ἀπώσταν διαβολας frequentiora fiunt, non tam, quod acidi patratores sint, nec, quod frigidos relinquant effectus, quam quod morbificas suscitando ideas, aberrationes varias in corpore causentur.

E causis **P R Æ T E R N A T U R A L I B U S** attendi meretur malum hypochondriacum, & inde orta melancholia, scorbutus, cui jungi fluorem album testatur *Highbor. de affect. hypochondr. Exercit. 2. p. m. 109.* obstructions viscerum infimi ventris, lienis, hepatis, mesenterii, cachexia, sterilitas antegressa, corporis totius cacochymia, vel uteri dyscrasia, & frigida humida intemperies, hinc foeminis proVectioris ætatis ex hac causâ provenit: In maritatis, partus laboriosi, unde ortum fluorem album, dolorificum valdè nec uniformem, observavit *Blasius observ. medic. rar. part. 5. observ. 3. p. 65.* Contrahitur enim sæpè imbecillitas uteri à partu, à contusione, aut ab aliâ externarum causarum vi. Molam sæpè uterum debilitare, ut profluvium album sequatur immedicabile, scribit *Rolfinc. epitom. affect. corp. part. l. 3. c. 25. p. 368.* Paria facit abortus frequens, secundinarum improvida & violenta post partum avulsio, mala gravidarum tractatio, lochiorum fluxus imminutus, & depravatus, lumbarium partium refrigeratio, testium hydrops, atque dispositiones aliæ morbosæ in aliis se exerentes. Quin & erosio & exulceratio ipsa sæpè concurrit in glandulis uterinis, à tensione, vel salino acri principio, aliisque lædendi modis orta. Vid. *Blas. l. c.*

Trahenda quoq; in hunc censum, ex medicamentosarum rerum ordine, quandoq; purgantia fortiora, & *degrada*, liquantia serum,

referente *Platero Tom. 3. l. 2. c. 7.* ab illis assumptis, supervenisse hunc fluxum, quæ nunquā eundem antepassæ fuerint; multas quoque, dum thermis aliquamdiu insedissent, hoc vitium contraxisse, notavit *idem*. Sicut autem in priori stimulus fortior & irritatio medicamenti cathartici, ad uteri confinia pergendo, sollicitavit archeum ad expellendum; ita in posteriori, ab illarum continuato usu, vel potius abusu, adauctâ humiditate corporis, & fluxilitate humorum promotâ, ob *ἀνομίαν* potissimum id evenit. Atque ex hoc prolixo causarum catalogo tandem emergit generalis assertio: Quicquid lympham vitiosam in corpore gignit, & ad glandulas uteri promovet, fluorem album producere valet.

CAPUT VI.

Signa, & phaenomena occurrentia investigat.

ET si spontè patet ex relatione ægrarum malum hoc, nec signis opus est ad eruendum; attamen, ut felicius ab aliis congeneribus discerni possit affectibus, formales ejusdem proprietates, & signa determinantia, specifica, sive pathognomonica dicta, examinanda. Inter quæ occurrunt **ESSENTIALITER INHÆRENTIA** à fluxu, ejusque modo petita, nempe materiæ ut plurimum albæ serosæ per loca muliebria effluxus, sive mavis lymphæ p. n. ichorescentis, magis vel minus fluxilis, à sanguine substantiâ & colore alienæ, idque plerumquæ sine dolore, inordinatè, ante, cum, post, & absque mensibus, cum madore muliebrium locorum, & molestiâ conjunctâ. Vid. *Sylv. & Plat. c. l.*

POSTESSENTIALIA, accidentia sive symptomata dicta alia ex necessitate consequentia, varia sunt, pro subjectorum, & causarum morbificarum ratione. Inter **ACTIONES LÆSAS** in *Facultate* quidem *Vitali*, nonnunquam pro fluxûs duratione, & molestiâ, virium lapsus, respiratio scandentibus difficilior, pulsus debilis, & secundum *Galen. l. de præsag. ex puls. c. 4.* interdum vermicularis adest; In *Naturali* nutritio sensim atq; sensim labascens, macies, ventriculi appetentia dejecta, & cruditas. Nonnullis procidentia uteri contigit, ab humiditate hæc p. n. laxatis vinculis, interdum uteri exulceratio accidit, & alia; In

animali lassitudo, dolor lumborum, dorsi, ut & partium, quæ circa pubem sunt. In QUALITATIBUS MUTATIS, intumescencia oculorum, pedum & manuum tumor, & gravitas. Facies in prodigo hoc fluxu fædo pallore deformatur, & decore vitali suo orbatur, foetor in consummatis spirat, ut non possit ferri; quale exemplum habet *Heurn. comment. in l. 5. apher. 56.*

De his signis *Hippocrates l. 1. de nat. mul. c. 15. t. 2. 3. & 2. de morb. mul.* Cum fluxus albus, inquit, obortus fuerit, urina qualis asini apparet, & dolor imum ventrem habet, & lumbos, & lateris mollitudinem, & tumores fiunt crurum & manuum, & cava oculorum elewantur, & oculi tumidi sunt, & color arquatus, & albus fit, & cum iter facit, anhelat. &c. Testantur autem hæcce signa, cachexiæ communia, loqui *Hippocratem* de affectu hoc confirmato magis, & habitum nanciscente, à totius caco-chymiâ ortum suum habente, & cachexiam præsupponente, vel post se trahente, qui tot satellitibus infestis omninò stipari potest; at si in principio fuerit fluxus, & mitior, sæpè uni cedit, vel alteri medicamento, & præcaventur omnia hæcce, ne jungantur mala.

Considerantibus igitur strictiori sub conceptu hoc symptoma, ob peculiaria phænomena, explicationem merentia, non quatenus sub cachexiæ generali titulo militat, & ab eâ vel fovetur, vel in eam neglectu transit, concipere non incommodè licet gradus ejusdem, quatenus à constitutione totius bonâ vel malâ ingravescit, vel mitescit hic ipse; vel enim tota quasi vitiosa est lympa in corpore, quod universale importat vitium, vel loco solum peccat, & motu, h. l. in utero vitium capiens, quod particulare magis est, de quo hæcenus dictum.

Illustrat hanc diagnosin & CAUSARUM notio, tum antecedentium, tum foventium, quæ, quò concurrunt magis ad producendum effectum morbosum, eò præsentius lædit, & obstinatius, quod quidem ex dictis, ad individuum facile applicandis patere potest satis.

Confirmat idem SIMILITUDO, seu ratione ægræ hujus, vel illius, seu respectu aliarum instituta. Omnes nempe conveniunt in *ænglosi* hæc, licet modificent eandem alia.

CAPUT VII.

Differentias enumerat.

Variat hic fluxus tùm ratione sui, tùm aliorum. Refert enim ideam ejus, à quo fluxit. Unde DIFFERENTIAS agnoscit varias, atque multiplices. In *GENERE* ratione *quantitatis*, alius largus & copiosus est, alius modicus; mensura tamen illa non æstimanda est ex copiâ, quod simul & semel ἀφρώς profundatur humor, sed ex continuitate. Quæ enim successivè fluunt, continuato cursu, licet paulatino in se, quantitatem nihilominus insignem sortiuntur. Ratione *temporis* alius continuus est, & assiduus, alius interpolatus, & interruptus, alius longo tempore durat, alius brevi cessat. Ratione *ordinis*, aut servat menstruum tempus, & per intervalla redit certa, tanquam socius, quod rarius, aut inordinatè affligit. Ratione *qualitatis*, & quoad colorem spectatus, modò albicans est, & pituitosus, sero, lacti, aut cremori ptisanæ similis, ut *Aetius tetr. 4. serm. 4. c. 65.* & *Jac. Sylv. comment. de mensib. mulier. tomo gynæc. comprehens. p. 157.* *Rod. à Castro l. de morb. mul. c. 14.* *Ludov. Mercatus l. 1. de affect. mul. 15. habent, vel hordei, ut Paræus l. de gener. hom. cap. 58. modò citrinus, aut pallidus, modò lividus, saniosus, subviridis. Quin & mille aliæ sunt secundum rationem majoris & minoris istorum species, teste Aret. de sign. & caus. diut. morb. l. 2. c. 11. Odore aliàs teter est, & graveolens, aliàs nullo odore molestus; modò acris, interdum & vesicans, corrodens, adurens, salsus, ichorosus, ut quascunque partes attigerit, erodat, aut leviter saltem exulceret, ob particulas biliosas, salinas exuperantes, quale exemplum recenset *Graf. de organ. mul. c. 9. p. 137. seqq.* Aliquandò mitis, inodorus, benignus, paucus, nullâ vi erodendi præditus, cujusmodi est pituitosus.*

In *consistentiâ* alius tenuis, aquosus est, à serosorum humorum superfluitate, alius spissior, vel instar albuminis ovi conquassati, teste *Platero l. c.* aut albi muci, aliquando etiam viscosus ac lentus.

Ratione *SUBJECTI* patientis, alius est infantum, alius puellarum, adultiorum; alius gravidarum, viduarum; alius vetularum.

Ratione CAUSÆ, vel in utero latitat vitium, & viis, vasisque ejus propriis, vel in lymphâ, & succo glandularum, si hoc, fluor est parcius, & signa demonstrant affectam partem: vel extra uterum si hæret culpa, à malè affectorum viscerum *διονογορία* peti potest, fluxus etiam copiosior est, unde inquirere necessum est, in corporis reliquam constitutionem, & scrutari viscerum *ἀταξία*, quæ interpretis sæpè instar loquuntur, ortum & progressum floris hujus prodentes. Ratione *modi afficiendi*, alias gravius, alias levius afficit, alius solitarius, alius cum affectibus aliis complicatus affligit, mitior, & crudelior, dolorificus, & sine dolore, &c.

Quomodo verò ab affinibus aliis, cum quibus sæpè confunditur, fluxibus discernatur, ex signis distinctivis patet. Hinc à mensibus decoloribus aliud dicit vitium, nec nisi improprie mensium alborum nomine venit. Menses enim decolores ad menses adhuc pertinent, & sanguinem præcisè dictum, quamvis depravatum, & sub verecundo suo habitu & colore vitiosa recrementa p.n. condentem: Fluor albus verò & substantiâ, & colore diversus est, deinde etiam exeundi tempore & modo; servant enim suum adhuc periodum etiam non rarò vitiosi menses, licet non adeò exactè, fluor verò muliebris promiscuè sine ordine visitur, & cum inordinatis mensibus quandoque jungitur. Vid. *River. observ. Centur. 2. obs. 55.*

A gonorrhæâ muliebri verâ, sive materiâ seminali, vel ea propter discriminari debet, quod hæc in infantibus & impuberibus puellis, quibus ætas & natura tale negat, non habeat locum, quæ tamen fluorem album patiuntur; tum etiam, quod majori excernatur quantitate humor in fluore albo, quam de liquore seminali præsumere liceat; præsertim stante hypothese recentiorum de ovario, unde gonorrhæa petenda, si vera esse debet. Fluor albus verò ex glandulis potissimum, & lacunis uterinis, vasisque lymphaticis, in specie à glandoso prostatico corpore provenit, quod gonorrhæam vocat *Grafius de mul. org. c. 6.* quamvis propriè talis vix dici possit. Uti & à pollutione nocturnâ eò distinguitur, quod sine imaginatione rei veneræ, & citrà somnum contingat. Nec de seminalis materiæ effusione credere nos finit diuturna sæpè fluxus albi duratio, citrà interitum ægrarum, veluti *Forestus* foeminam cachecticam, per

undecim annos hęc detentam, observavit *lib. 28. de mulier. morb. obs. 19.*

A virulentā verò, & ex impuro coitu contractā gonorrhœa, dignoscitur fluor albus, quod miasma venereum, tam prostates glandulas, quàm vaginam uteri, & sinum pudoris exulceret, adeoque sanies adsit, cum insigni dolore & molestiā. Quod si, ait *Paræus l. de bom. gener. c. 60. tom. gynac. cit.* mulieres sint, quæ, cum gonorrhœā virulentā laborant, honesto nomine culpam prætexentes, fluore muliebri, seu uterino, laborare se mentiantur, quod in utroque affectu ingens profundatur eluvies, sanè, in eò, discrimine & iudicio medicorum opus est.

Purulenta denique excretio præsupponit abscessum, sive ulcus uteri, quale in uteri cavo, in foeminā infœcundā, deprehendit *Harvæus Exercit. de gener. an. c. de partu p. m. 532.* saniosum quid & purulentum aliquando ejiciente, mensibus interim statò tempore ritè fluentibus, quod aliqui fluorem album, alii ulcus sinuosum suspicati sunt, quod posterius *αυτοψία* detexit, notabili quantitate puris, ope speculi matricis, circa orificium internum matricis inventā; quò spectant observationes rariores, de ulcere musculorum uteri vaginæ vicinorum, & utero purulento, apud *Blas. l. c. obs. 4. & 5.* In fluore albo verò, seri vitio eò acrimoniæ & malignitatis provecto, ut exulcerare, & exedere possit papillosas & glandosas partes, concedi quidem potest & debet aliqua exulceratio, sed superficialis saltem, & longè alia; adde, quod congressum vix ferant & admittant taliter affectæ, quod tamen fluore albo affectas non impedit, teste *River. Prax. l. 15. c. 4.* Hinc attendere par est differentias has, licet graduales sæpè, & accidentales, ne confusionem pariant.

CAPUT VIII.

Prognosin subjicit.

DE EVENTU morbi dicturis spectanda sunt, loco fundamenti prognoseos, recessus à statu naturali, & proportio inter læsam naturam, & lædentem morbum. Cumque excretio sit, ipsa *εὐφορία*, vel læsio, aliaque hujus commatis eandem modificantia; hinc ad *πρόγνωση* instituendam, SALUTIS & MORTIS, sic pronuntiare licebit, de

de hoc in genere : Fluor albus moderatus in se & per se, non inferit periculum mortis, quin imò parum habet in recessu, cum morbo-
sum in *âureglâ* consistat, & in sanis alioquin foeminis, aut virginibus,
multis mensibus, vel etiam annis, innoxie procedat, juxta *Plater.*
l. c. Si verò acquirat vitium, à gravioribus foci causis, & acciden-
tibus stipatus peioribus, aut copiosior, uteri morbos & symptoma-
ta dabit, qualia à fluxu fortè quinto, apud *Hippocratem*, albo prode-
unt, l. 2. de morb. mul. c. 11. t. 1. & seqq.

Deinde, cum sibi relictus facultatem naturalem potissimum im-
petat, vitalem & animale verò salvam ferè sinat & illaenam ex parte,
non adeò proximè vitæ insidias struit, quin, testante *Aristotele* l. 3. de
gener. anim. c. 4. sæpè in bonitate naturæ, evacuantis per muliebria
loca totius corporis excrementitios humores, numerandus, præ-
sertim si modicè fiat. Servat enim corpora integra secèssus excre-
mentorum, utpote, quæ causæ corporibus sunt, ut ægrotent. Cum
igitur uterus, dum procreationi non studet, omnis foeditatis mulie-
bris, corporis non puri, receptaculum sit, ut ait *Heurn. comment. in*
l. 5. aphor. 28. si eliminat noxium, juvare magis sanitatem, quam im-
pedire, credibile est; sin secus, malum non negligi vult, & postha-
beri, citrà insigne corporis detrimentum.

Si enim habituale sit, & confirmatum malum, difficillimæ cura-
tionis evadit, & plurimum post se trahit malorum agmen, unde &
Hippocratis illud 5. apb. 56. huc applicari potest, si muliebri pro-
fluvio convulsio, aut animi defectus superveniat, malum. Par ratio
est, si alii fontici morbi præcedant, comitentur, vel sequantur, velut
inappetentia, cachexia, hydrops, *âreglâ*, sterilitas, uteri pro-
lapsus, & alii languores, vitæ quoque non rarò periculum minatur,
sive ansam & occasionem hisce dederit hic fluor, sive ab iisdem ori-
ginaliter provenerit. Variat hinc prognosticum etiam, ratione
consequentium, vel comitantium symptomatum. Complicatus sim-
plici gravior est, sibi relictus mitior. Sic &, si ab uteri particulari ma-
gis vitio, naturales ejus actiones læsas solum sequatur, tanti non est,
secus si à toto, seu partibus his, vel illis, ad vitam magis facientibus,
sustentetur, & foveatur.

Quod si non adeò periculosum est hoc vitium, foeditate tamen
& molestia suâ, gravissimum est muliebri sexui, ut qui munditiei &
cosme-

cosmeticæ deditissimus, tale quid in corpore suo experiri, cum tædio & displicentiâ cogitur, unde tantum abest, ut facile tolerent nonnullæ, ut potius hinc *δυσπαρέσησις* oriatur, tristentur, doleant, pusillanimes & melancholicæ fiant, & à vigore mentis, pristino desciscant; namque & sibi, & aliis, inprimis verò maritis diutino affectus tractu, & putridi quasi miasmatis contagio inde acquisito, exosæ fiunt, & ad conceptionem ob squalorem hunc inhabiles redduntur, quò magis familiare sibi reddiderit uterus vitium, & debilitate conceptâ, archeus quasi errabundus uteri operâ abutatur. Cum autem in fœminis uterus sanitatem earundem multum disponere possit, non minus ac labem patiens vitale serum, inde necessario emergit sanitatis labes, & neglecto malo, vitæ dispendium, præcipuè cum per longas invaluit moras, adscitis in consortium potentioribus, in corporis interneccionem, malis.

LONGITUDINIS & BREVITATIS signa ex antea dictis constabunt, si nimirum contumax & rebellis affectus vires eundo acquisiverit, & primam eluserit curam, multiplicando suum seminium, & ulterius disseminando, archeo uteri magis debilitato, longior & gravior existit, vel consuetudine tandem in naturam versâ, productioni morâ, habitualis factus, ægrè coercibilis evadit, nec nisi longo medicamentorum usu cedens. Quin & sæpè in vetulis ad capulum usque affligit & commoritur, ut ait *Rod. à Castro c. l.* uti ex adverso, ubi mitiora cuncta & benigniora, citioris convalescentiæ spes affulget, unde *Galenus* Boethi uxorem intra tredecim dies restituit, ut ipse refert *l. de præcognit. ad Posthum. c. 8.* & *Riverius* mensis spatium curæ absolvendæ dedit, diuturno licet afflicta malo fuerit ægra, *Cent. 1. obs. 81.* Quid autem vetat, brevius finiri, aurigante naturâ, & medicamentis aptatis hunc fluxum?

A morâ verò & duratione dependet bona vel mala Prognosis, cujus intuitu ante omnia principium attendere fas est, & quamdiu duraverit, sollicitè scrutari; rarius tamen ad ægras tales cum advocetur medicus, & nisi notabiliter læserit corpus, sufferre libentius incommoda, quàm detegere præ pudore soleant sua sæpè mala mulieres, ex intempestivo hoc pudore, malum in deterius ruere sinunt, quod de mensium quoque fluxu suppresso, & aliis constat. Si tamen

occafio tulerit, resque per internuntias agatur, postulat omnino consilium & auxilium medici fluor iste, neque, præsidente naturâ, pudeat sordium quoque muliebrium scrutari genimen, & avertere causas, morbosam hanc cluviem inducentes, atque in sanitatis libertatem asserere afflictas.

Prout autem vel cacoehymia totius, vel visceris alicujus principalioris *ατροφία*, vel uteri denique nativa, aut adscititia dispositio, ad fluorem album fecerint, eatenus modificatur prognosis; item quò major excrementorum proventus cum lymphâ, velut vehiculo, ad sentinam hanc confluerit, & qualitates, sive accidentia excreti longius à naturali statu absuerint, & alienioris indolis, eò difficilior & infelicior cura evadet.

MODUS EVENTUS ad salutem ordinariè fit, materiæ peccantis, sive lymphæ in glandulis uterinis excrementitiæ factæ & vapescantis, partim evacuatione & aliorum diversione, partim correctione & alteratione; ita in ordinem & viam redire solet natura, & fluxus cessare, lymphæ motu restituto, & coagulo ac *σπέρμα* remotis, roboratis glandulis & vasis, uteri oeconomiam restitutâ, non minus ac viscerum reliquorum crasi & tono confirmato.

Ad mortem terminatur, adscitis in consortium aliis malis, cachexiâ, hydrope, & similibus, seu *μεταστάσι* factâ, & excerni solito vitioso humore alibi collecto, & exudante, seu naturâ tandem dejectâ & succumbente, subsequo nonnunquam marasmo.

CAPUT IX.

Curationem in genere delineat.

Frustrâ foret hæc *ἡμετέρας* omnis prolixior tractatio, nisi ad *περίεργον* collimaret scopum, imò, quod alicubi jocatur *Helmontius*, Medicus à dicendo potius, quàm faciendo nomen haberet suum, si artem medendi non exerceret. Ut igitur præmissis præmittendis, quæ procurâ affectûs hujus spectant, subjungamus, superest hic porro labor, ut erutis indicationibus, auxilia inveniendò, inventa præscribendo, præscripta debito modo administrando occupemur, secundum trigam indicationum institutâ methodo medendi sulti.

CURATORIA fluxum potissimum attendit p. n. auferendo, vel sistendo, viarum & vasorum laxitatem respicit, glandularum tonum restituit, fermentum roborat, lympham depurat, & splendore suo animali coruscare facit, extravasatam evacuat, & ichorescentiam corrigit, tum etiam consolidando fibras & villos uteri, adstringendo, humiditatem excessivam abarcet, & soluta repagula firmat; totius insuper massæ sanguineæ integritatem promovendo, & spirituum vigorem præstando, statum inducit sanitati debitum, & pristinam (quoad possibile,) naturæ bonitatem foenerat.

PRÆSERVATORIA in ablatione causarum quarumcunque, fluori albo velificantium, intenta est, ut prohibitione materiæ novæ proventus, & lymphæ uterinæ remoris ablatis, motus, ubicunque impeditus, liberior fiat, & præcaveatur affluxus, hinc viscerum fermenta & digestionū culinas attendendo, si quæ cacochymia timenda, avertatur, extricentur obstructions, cruditates removeantur, & functionum defectus alii restaurentur, adeoque & stabula & foci excrementorum expurgentur, & materia morbifica eliminetur, præterea conspurcantia lympham peregrina miasmata & defœdantia, discutiantur & disjiciantur, ut quoad potis est, natura eluæetur.

VITALEM denique attendentes, virium rationem habere jubemur, & præsentium & futurarum, ut excitatus à torpore archæus, fermentatione sanguinis naturali promotâ, pristino partes perfundat vigore, & continuando flammam irradiet luce suâ vitali totum integrale, quò animalis etiam splendeat focus, & respublica microcosmica florentior degat; adepta verò robur natura occasiones morborum feliciter avertat, succos vitales magis elaboret, & vitæ balsamo delibutis organis promptior ad valetudinem via sit.

Hos ut assequamur scopos, præsidiorum materiâ opus est, quam largâ manu subministrat triplex gazophylacium, Chirurgicum, Pharmaceuticum, & Diæteticum, ex quibus auro & gemmis contrâ pretiosa depromere integrum est naturæ ministro, pro servandâ salute, in morborum vindicationem coactus destinata. Nobis verò id unicè hâc vice curæ cordique erit, ut, selectu instituto, ex vastissimo hocce florilegio ea solum mutuemur auxilia, quæ priorum indicationum fines explere, scopos assequi, & ægrarum laborantium votis satisfacere possint.

CAPUT X.

Fontem Chirurgicum aperit.

Ex hōc, quid primū suppetat, sciscitandum. Est autem de Venæ Sectione inter autores non levis controversia, num locum habeat in fluore albo? Quamvis verò hujus præsidii generosi & heroici usus multiplex & varius sit in quàm plurimis affectibus mulierum, hoc tamen loco minus convenire videtur, tanquàm minus indicati à fluore albo, in se & solitariè spectato. Cum enim sanguinis partes oleosæ & sulphureæ balsamicæ pauciores in hōc statu, vel subjugatæ saltem videantur, conservandæ potius & excitandæ, quàm profundendæ veniunt. Deinde Venæsectio plethoræ magis, & universali sanguinis & feri vitio debetur, quàm particulari feri excurrentis motui; qui sæpè levius importat malum, quàm ut auxilium hoc postulet. Adde & hoc contraindicans, quòd, emissio sanguine, intimius recipi in massam sanguineam serosa uteri inquinamenta, & penitus inde affici eandem metus sit; quare consultò abstinendum esse ducimus.

Potest tamen in plethoricis & biliosioribus mitti sanguis, si redundans in universo corpore, causæ sine quâ non rationem habeat hujus fluxûs, vel à suppressis & inordinatis vel imminutis quandoq; mensibus foveatur hoc malum; vel si aliud quid urgeat, & circumstantiæ loci, temporis, subjecti, aliaque id suadeant, in brachio vel pede institutâ moderatâ educatione. *Galenus* equidem, in curâ uxoris *Boethi*, non meminit hujus auxilii, & feliciter tamen absolvit curam; quod tamen de omnibus non valet.

Prodesse queunt etiam vicariæ V. S. CUCURBITULÆ, tùm scarificatæ, tùm siccæ; illæ quidem in dorso & brachiis, scapulisque institutæ, ob glandularum & vasorum lymphaticorum in intercutaneis partibus notabilem copiam, partim evacuantes, partim divertentes & revellentes lympham copiosam ad uterum euntem; hæ verò ob discussionem majorem, & transpirationem, reseratione pororum adjunctâ, liberiolem, lymphæque motum à centro ad circumferentiam magis promovendum, adjuvante potissimùm calore, & dissipante humidum.

His quandoque succenturiari possunt VESICATORIA, pro eliminando & divertendo sero nunquam satis laudandum remedium, cujus ope suscitatus lymphæ motor citatius movere undas, & *ἐκκένω* alicubi factam in corpore disjicere promptius potest.

FONTICULOS quoque sua manet hîc laus, præsertim si diutius duraverit affectus, & rebelle magis malum talia poposcerit auxilia, in vetulis & aliis quoque administranda; cum ad hos tanquam ultimum asylum & sacram anchoram sæpè confugiendum sit. Hi verò inuri possunt tum brachiis, tum femoribus, quamvis *Primerosius* cavere jubeat, ne majorem, in cruribus si fiant, affluxum ad uterum concilient; *Riverius* tamen in diuturnis convenire asserit, quòd per hæc emissaria inutilis materiæ portio evacuetur. Ob majorem diversionem, in partibus supernis commodius excitantur. Quantum autem in lymphæ & seri vitiis præstent, toto die comprobatur experientia, quippe cum evacuationem non solum, sed & derivationem & interceptionem præbeant insignem, cum totius & partium affectarum alleviatione, sensim, & velut per *ἐκκένω* excretâ non saltem per lymphatica vasa & venas refluentis, sed per arterias quoque adfluentis seri quadam portione, meritò suo in magnis habendi remediis, & non frustra hîc commendandi.

SETACEUM quid præstiterit in hîc affectu, edocet *Fabritius Hildanus Centur. I. observat. 4.* qui diuturnum talismodi fluxum, & inde ortam sterilitatem feliciter eo curavit.

LIGATURAS in partibus superioribus suo usu non carere autores existimant, quæ si non juvent, ita moderandæ, ne noceant.

FRICTIONES denique memorandæ, quas tantoperè cum *Galeno* extollere fas est, quandoquidem in frigido humido & catarrhoso statu, cutis densitate & pororum obstipatione, proficuas observant Practici. Ratio in promptu est, cum constet, ab harum usu per aperta magis coeca cutis spiracula halitiosa seri effluvia evaporari, & calorem internum, per suscitabulum hoc agitatam, dispellendis noxiis idoneum magis reddi, motum sanguinis & seri alacriorem fieri, & sulphuris expansioni spatium amplius concedi; non est ergò quod recedamus à Veteribus, multum in eo auxilii quærentibus. Eligendus autem præ aliis modus hic, ut, quæ molliter tra-

Etari volunt foeminae, mollioribus primum, post asperioribus fricentur linteis, quae nonnunquam, pro re natâ, suffimentis quoque, in specie succino, aliisque anticatarrhalibus gummatibus, resinisque, perfumata, dissipationi & evaporationi, adde & roborationi & exsiccationi amplius inservire possunt, continuatâ per singulas dies, manè & vesperi ad fornacem calidam, vel lecto hâc enchiresi, quod *Galenus* quoque fecit *c. l.*

Quod si serositatum cumulus major aggravet, & deviationes lymphæ graviora minentur incommoda, de salivatione quoque; Quâli cogitandum, saltem incompletâ, per interna & externa, pilulis & aliis propinatis instituendâ, quâ mediante seri fluxilitas aliorum duci, & coagulum disjici commodius possit; observatis tamen circa hanc curam cautelis, ne impuro, nec expurgato prius vitiosis humoribus debite corpori, talia applicando, irritando veluti crabrones, majus inferatur malum, vel humidum nimis absumendo, in siccitatem vel tabem præcipitentur ægræ. Moderari ergo talia in foeminis, & ad naturalem statum, ceu normam & regulam, deflectentem reducere naturam, omnium in cura optimum est.

CAPUT XI.

Pharmaceutica proponit.

A Chirurgiâ discedentes Pharmaciâ ingredimur, unde plenariam sibi curam spondet affectus, cum constans & fidum non possit à prædictis sperari auxilium, nisi hæc in subsidium jungantur. Possunt autem jure merito dispesci in universalia remedia & particularia, quorum illa universum magis attendendo corpus, hæc partem affectam potissimum juvando, medici intentionibus satisfacere possunt, prout indicantur à suis indicantibus. Ne verò *ἀμετάδοτος* procedamus, consuetis proponemus singula loculis.

LENIENTIA ut in omnibus ferè morbis, ita hîc quoque locum habere suum posse, arbitror, & tantò magis quidem, quod purgantium *δραστικῶν* vim sustinere non æque valent imbecilliores mulierculæ, hæcque purgantium velut succedanea sint. Cumque primas blandè expediant vias, & abstergant collectas sordes, aditum

coeteris medicamentis procurant faciliorem, etiam si minorum gentium dii sint. Commendamus autem præcipuè *aloetica*, lenientium quasi basin constituentia, balsamum sanguinis & feri eximiè tuentia quoque, & corruptelas auferentia, qualia sunt *Pilula aloetica Francosurt. Glassiana, Tartarea per fermentationem parata D. Præsidis*, & aliæ, quæ exaltari & acui possunt pro lubitu, vel fortioribus purgantibus & resinis earundem, vel ðtialibus, croco, Olo ðtis &c.

Rx. *MP. aloeticar. 3ß. resin. gialap. 3ß. Oli ð. gr. v.*

ol. cort. aurant. gtt. ij. M. F. c. elix. Prop. l. a. Pil. minores n. LX. S. Laxir-Bissen.

Rx. *rad. mechoacann. alb. nigr. an. gr. viij. crem. Fri 3ß.*

fec. bryon. gr. iij. eleosach. cinnam. gr. j.

M. F. pulv. S. Laxir-Pulver.

Rx. *rob ebuli 3j. rhab. Alex. 3j. extract. bryon. gr. vj. c. f. q. sacch.*

F. l. a bolus. S. Laxir-Bissen.

Species item laxantes pro infusione & nodulis, vel decoctione, cum uterinis commixtæ, prolixam enarrationem non efflagitant, quales passim obviæ apud Practicos. *Pruna* quoque & *passula laxativa* cum *fol. senn. rhabarb.* & aliis, decoctæ & fermentatæ, pro delicatioribus locum habent. Clysteres item lenientes & emollientes, additis abstergentibus ac uterinis compositi, usum spondent non exiguum, ob uteri viciniam, & derivatos è corpore ad intestinorum glandulas humores, decenter administrati.

PRÆPARANTIA & digerentia, humorum vitiosis qualitatibus debita, varia esse possunt, pro peccantium conditionibus, opponendo singulis contraria, potissimum ex *Feorum, ðtialium, aperientium, attenuantium & incidentium* classe, quæ pituitam præparando, & ad exitum disponendo, coagulum avertere, obstructionsque viscerum sub hypochondriis referare possunt. Sicubi verò biliosi peccaverint humores, vel acidi, austeri, acerbi, fixi, pontici, absorbentia, *stantia*, saturantia, & invertentia jungenda aliis, & in auxilium ducenda, omnia, pro judicio medici prudentis, ad speciales casus dirigenda. Talia sunt *Ra Scyd. pomat. arcan. F. ðtiale, Ra ðis volat. tamarindinata, ð digestivum Sylvii cum Sibus uterinis, eff. ðtis abinth. oxymel. f. & squillitic. Croc. ðtis Fatus, O latus, pulveres cachectici,*
stoma-

stomachales, v.g. Quercetani, (quô scēminam albo fluxu laborantem restituisse se scribit Osiv. Grembs. arb. integr. & ruinos. libr. II. Cap. 1. §. 12. de defect. organ. hum. gen.) & aliorum.

PURGANTIA optimè huic affectui convenire omnium Prædicorum suffragio constat, & Galeni quoque, qui iis feliciter usus in curâ uxoris Boethi, ab iisdem primò auspicatus eandem, dum absumendo causam & materiam morbificam apprimè curationi velificantur. Hæc ipsa divertendo quoque fluxum ad alvum, per ordinariam viam ejiciunt, meritoque universalia audiunt remedia, pro humoris peccantis ratione ex illorum apparatu seligenda. Potissimum verò phlegmagoga, & seriduca seroso debentur fluxui, mitiora tamen, & violentiæ gravioris expertia, non tam semel & unâ vice, si major excernendorum copia adfuerit, sed iterum atque iterum, & per epicrasin repetenda, interdum & cholagoga & panchymagoga, singula ita ordinanda & moderanda, ne commotione majori inductâ, (veluti in gonorrhœâ virorum non rarò, citrà noxam tamen, fieri assolet,) augeatur fluxus magis, & versus uterum præcipitetur, quod tamen vix timendum, si natura rectè agens, purgatione *εὐφώγως* institutâ, excrementitium per vias intestinales eduxerit, atque hoc modo glandulæ quoque uterinæ ab oneroso humido liberatæ fuerint. Conveniunt præ cæteris (α) *Jalapina*, in pulvere, bolo, essent. pilul. potion. & aliis formulis facilè distribuenda, quemadmodum observat. 8. Riverio à Sim. Jacobo communicatam legenti innotescit, solâ octiduanâ resinæ gialapæ usurpatione, (non temere tamen imitanda,) affectum septimestrem mulieris quadragenariæ feliciter sublatum. Et Riverius ipse Centur. 3. obs. 81. testatur, se, frustra tentatis aliis remediis, in ptisana laxante certum & fidum invenisse auxilium, ejusq; ope, per mensem integrum adhibitæ solum, diuturno fluore albo laborantem mulierem prorsus ab eodem liberasse, quod medicamentum rursus in praxi commendat libr. XV. c. IV. p. m. 448. Similem observationem vide apud Gregor. Horst. libr. V. de morb. mulier obs. XVIII. (β) *Rhabarbarina*, quali infuso per epicrasin factò, & *Râ corall.* in liquore aliquo convenienti per aliquot dies exhibitâ, feliciter fuit restituta puella vi. annorum, corpore cachectico, fluxorem album

album passa apud Thom. Bartholin. Act. Hassniens. ann. 1671. & 1672. obs. 83. (y) Sennata, Tamarindinata, ut & quæ ex Agarico & Carthamo confiunt leniora purgantia, variis sub formis data, citò & tuto juvantia, atque hæc ipsa cum successu exhibuisse Exc. D. Pres. Patronum meum & Præceptorem ad urnam colendum, sæpius auribus accipere licuit. His junguntur commodè aromatica, roborantia, uterina, ceu dirigentia, ex quibus variæ formulæ concinnari possunt.

- Rx. pulv. laxat. veget. ℥j. crystall. ꝑ ℥℞. secul. bryon. gr. v. ol. destil. succin. gtt. j. M. F. pulv. D. in chart. S. Purgir Pulver.
- Rx. resin. gialap. ℥℞. Ois ꝑi gr. iij. cinamom. ℥ij. sirupi ros. solut. q. s. ad grat. M. S. Purgir = Gast auf 1. mahl.
- Rx. extract. agaric. gialap. ā. gr. xij. ꝑ dulc. gr. iv. ol. anis. gtt. iij. M. c. Elix. PP. F. l. a. Pilulæ.
- Rx. MP. ꝑ ear. Schröd. ℥℞. resin. scammon. gialap. ā. gr. v. extr. elat. gr. iij. ol. macis gtt. ij. M. c. essent. succin. F. l. a. Pil.
- Rx. extract. panchymagog. Croll. gr. xv. magister. g. de goa gr. iv. croc. ꝑ sulphur, ꝑ diaphor. ā. gr. ij. ol. rut. gtt. ij. M. c. essent. ꝑtis cydon. F. l. a. Pil.
- Rx. rob. ebuli 3℞. extract. rhab. gr. xij. resin. gialap. gr. viij. sacch. rosat. & sirup. matricar. q. s. M. F. bolus.
- Rx. conserv. ros. 3j. spec. diagal. Myns. 3℞. sirup. artemis. q. s. M. F. bolus.
- Rx. rad. artemis. bryon. fœnicul. ā. 3ij. aristol. rot. 3j. mechoac. alb. 3℞. summit. artemis. cent. min. absinth. ā. m℞. flor. cheiri, calend. ā. p. ij. fol. senn. s. s. 3vj. myrobal. omn. ā. 3j. rhab. alex. 3i℞. epithym. p. ij. cass. lign. ℥iv. costi veri, cortic. tamarisc. ā. ℥ij. Conc. contus. D. in sind. rub. S. spec. zum Exier Wein.
- Rx. extract. cartham. ℥j. resin. scammon. gialap. ā. gr. iv. Ol. ꝑ gr. ij. ol. cinnam. gtt. j. c. elix. uterin. F. l. a. Pil.

Tacemus elix. propr. purgans, pulv. diasennæ, extractum diacarthami, & id genus alia. Cavendum verò, ne in gravidis, & quibus mensium fluxus instat, præposterè his utamur, ne in illis abortum, in his immodicum sanguinis fluxum concitemus.

VOMITORIA quoque ad expellendam materiam morbificam actu & positivè præsentem faciunt, hincque cum *Riverio c. l.* in hoc affectu maximè commendantur; præsertim verò in *ἐνυσμῆτοις*, & quibus saburra humorum circa ventriculum, & in eo collectio- rum hîc labores & negotium facessit, unde malum hoc nonnunquam fovetur, & digestionis vitiosæ prima hæret radix ac origo, ad coe- teras quoque diffundenda. Expurgare ergo præcordia, & everrere pri- marum viarum sordes, tanto magis opus est in sceminis, quò major his relictis noxa manet coeteras partes, & consequenter uterum, deterfis verò & eliminatis fermentum pristino suo restituitur vi- gori, spirituumque reînoris hîc loci stabulantibus ablatis, potentior & insignior operandi emergit efficacia, utroque ad ventriculi mu- nia ritè exequenda maximè necessario subsidio. Et quamvis non æque è longinquo noxia educere valeant emetica, sufficit tamen his ipsis, tanquam herculeo remedio, præmissis, reliquam curæ partem felicius perfici, & intentiones medici coeteras ex voto magis expedi- ri posse.

Rx. elect. de asar. Fernel. ℥ij. Ss Oli ℥j. oxymell. squill. & sacch. q. s.
F. l. a. bolus S. Brechbissen.

Rx. ℥ emetic. gr. iij. S artemis. gr. vj. elæosacch. cinnam. gr. j.
M. F. pulv. S. Magen-Pulver.

Rx. ℥ij vit. corr. gr. ij. sirup. artemis. ℥ij. M. S. Brech-Safft.

In puellis pituitosis, & ex cruditatibus iisdem laborantibus, mul- tum hæc dicta adferre auxilii certum est.

DIAPHORETICA, post sensibiliter evacuantia, ad discutiendas humoris serosi reliquias, & divertendum ad ambitum corporis, re- vellendumque ab utero, locum quoque & usum jure merito tuen- tur suum; sive excitato ab illis sudore, sive minus, poros tantummo- do apertos servando, quæ ipsa cum catarrhorum omnium & feri vitiorum sint certissima præsidia, ichorescentiam & decubi- tum feri circa uterinas glandulas felici successu tollunt, & circula- tionem promovendo, vappescentiam corrigunt, defæcant, & in or- dinem redigunt lympham, cujus motum regularem sanitatis non ultimam constituere partem in confesso est. Possunt autem vo- latilia fixis & mediis interpolari, ubivis modo observato.

2



1

Fraser.

*Fracast. essent. lign. cum essent. succini, essent. lign. cassia. cum ∇ serpilli spiri-
tuosa parata, essent. theriacalis, myrrhata, Ra bez. Mich. Rolf. Wed.
M. S. CC. ust. & diaphor. & alia pro intentione medici ordinanda.*

Succenturiari his commodè possunt **DIURETICA** remedia lau-
datissima, aperientia, serum ad renum tubulos per vasa emulgen-
tia promotum per urinarias vias ducentia, & archeum officii sui
admonentia, serum item balsamico charactere imbuentia, & ichore-
scentiam ejusdem, si quæ alia, corrigentia. His adhibitis *Galenus* l. c.
uxorem *Boethi* sanitati feliciter restituit, ad cujus imitationem &
præceptum nobis quoque svadere eadem consultum est, præsertim
verò, quod ratio experientia huic optimè respondeat, glandulis &
vasis renalibus cum uterinis haud parum consentientibus. Quæ
ratio est, quod *Swalbius* quoque in *disquisit. Therapeut. s. 5. p. m. 94.*
uterum albo foetentem fluore mirificè mundificari his asserit, id
quod ipse *Exc. D. Pras.* ulterius confirmat in *Diatrib. de diureti-
cis c. 7.* quippe cum tenuium sint partium, aperiendi generali vir-
tute prædita, poros expedire glandularum idonea, & fundere se-
rum ac liquare possint, vi *Sinâ* potissimum mediante, & vel aquo-
so vel oleoso charactere saponariam hinc induentia naturam, un-
de renum & uteri viciniam extergere, & vasorum amurcam ab-
stergere valent; atque in his commendandis, velut in aliis feri sta-
gnantis, vel exorbitantis vitii, plurimum solliciti sunt autores.

Sunt quidem nonnulli, quibus diuretica ob eam causam malè hîc
audiunt, quod menses simul moveant; verum, si minus calida & vo-
latilia, metus omnis abesse potest; solverunt hoc dubium jam du-
dum *Rod. à Castro c. l. & Exc. D. Pras. in diatrib. de Diureticis.*
Ex quorum latifundiis ea solummodo huc arcessere libet, quæ se-
ri tonum sartum tectum custodiunt, & utero quoque non infesta
sunt; uti sunt infusa & decocta ex *rad. s. aperientib. asari, fœnicul.
rub. tint. aristoloch. &c.* qualia passim occurrunt, & apud *Riverium
c. l. Rolfinc. O. & Meth.* aliosque Practicos invenire licet. *Galenus*
quoque simplex paravit decoctum ex *rad. asari & apii* in aquâ co-
ctis. *Simon Pauli* commendat hunc in finem decoctum *dauci* cum
radice filipendula, in *Quadrip. Botan.* quæ ipsa decocta & infusa cum
aquosis parata menstruis, aromaticis & stomachicis intermi-

scendis ita corrigenda, ne laxiorem reddant ventriculum, & tono ejusdem adversa sint, quod etiam valet de jussculis diureticis.

Palmam sibi vendicant *terebinthinata*, *succinata*, & *juniperina*, Δe & Θe suo balsamico celebranda maximè diuretica, quæ motum feri vitiosum & peregrinas ejus qualitates insigniter emendant, inprimis in partibus genitalibus sese exerentes, cavendo tamen utrorumque excessum, ne fluxum augeamus.

$\mathcal{R}x$. *MP. de terebintb. cum rhab. 3j. tröchisc. alkekeng. 3℔.*

ol. succin. gtt. ij. cum Rā $\mathcal{F}i$ F. l. a. Pil. pro v. dos.

$\mathcal{R}x$. *terebintb. ad spissitud. coct. in ∇ gramin. & pulverisat. 3j.*

Θ *juniper. gr. vj. vol. succin. flor. *ci corall. ā. gr. iij.*

sacch. perlat. ad p. o. M. F. pulvis.

$\mathcal{R}x$. *mist. simpl. $\mathcal{O}lis$ 3℔. — succin. 3j. extract. agrimon. 3℔.*

M. S. Harnntreibende Mistur.

$\mathcal{R}x$. *rad. 5. aperient. ā 3ij. sarsaparill. 3℔. bryon. 3j.*

fol. meliss. rosmarin. puleg. artemis. ā m℔.

flor. cheiri, ros. rubr. calend. galeopsid. acac. ā p. ij.

lign. sassafir. sandali citrin. ā 3℔.

cortic. tamarisc. lign. sanct. ā 3ij. bacc. laur. juniper. ā 3ij.

costi veri, cass. lign. macis anthophyll. ā 3℔. croci 3℔.

Concis. contus. infunde in vini mensur ij. stet per 8p.

Colaturæ Dentur 3ij. vel iij. pro quotidiano usu.

Vel insuantur species serico, cum interpassatione pro nodulo. Tali vino medicato ex aperientibus & uterinis non unam fluore albo afflictam restituit Bartholinus in *Act. Hassniens. Volum. V. p. 123.*

De $\mathcal{O}tialibus$ supra laudatis ut nihil amplius dicamus, spectat huc — $\mathcal{O}li$ \mathcal{G} & \mathcal{Q} , — aperitivus Penoti, $\overline{R}a$ aperit. *Mœbii, clyss. 3ij. Δeus , $\overline{R}a$ $\mathcal{F}ri$, — us terebintb. in quo solutum sacch. $\mathcal{F}ni$ & camphora, $\mathcal{F}us$ $\mathcal{O}tialis$ Zobelii, — us lap. \mathcal{Q} . malvaticum juniperinum, $\overline{R}a$ $\mathcal{O}tis$ variæ, cum arcan. $\mathcal{F}i$, $\mathcal{O}tis$ $\mathcal{O}aris$, aperiens Zwölfferi, &c. Magisterium lap. \mathcal{Q} cum ol. anisi, quò ipso una c. Elixir. uterino curatam foeminam hujus loci *Exc. D. Præs. in not. ad Casus Timæi* refert, item antihypochondriaca quoque huc trahenda.*

ACIDULAS suus commendat usus, præservandi fine, tum naturales, Egranas, Svalbacenses, &c. tum artificiales ex $\mathcal{G}te$, Δe , $\mathcal{O}lo$ & \mathcal{O} paratas, quale est vinum *Giale Myns.* acidulas potestate æquan

æquans, nisi ventriculus contraindicet, & si reliqua consenserint. Præsertim verò ubi ab hypochondriacâ obstructione & glandulis pancreaticis oppilatis malum ortum habeat, vel sustentatus hic fluxus fuerit, adeoque in chronicum evasurus malum sit, hæc optime præstant diuresin ob \ominus \oplus licum in phlegmate liquatum, cum regimine adhibendæ, & cum euphoriâ continuandæ. Atque in hisce dictis, ceu universalibus evacuantibus, causarum morbificarum remotio consistit, quod his ablati tanquam materiam suggerentibus, fluxus omnino sistatur. Verum enim verò specialem quoque sibi deposcit malum hoc curandi methodum, quâ indicationibus reliquis succurritur, præcavendo, ne materia vitiosa seu lymphæ vappescens ad uteri cavernulas colligi & ibi molesta esse possit, id quod fit, partes laxiores roborando, & villos fibrasque à fluore læsas adstringendo, glandularum tonum & serisistam custodiendo, imò partes fluidas uteri concentrando, & roborando, sique viscera primæ aut secundæ culinæ culpam mereantur, vel causæ vicem tueantur, si alia symptomata sociata, vel aliæ partes coaffectedæ, ut caput, ventriculus &c. particularia evacuantia & alterantia, præter dicta universalia, indicaverint, hisce quoque suis ex pharmacæ loculis, debitis medelis succurrendum, cephalicorum, stomachicorum & uterinorum grato contubernio, quorum omnium recensitionem hæc vice de industriâ mittimus, ne actum agamus, uti quæ unicuique seorsim convenient visceri, materiæ medicæ promptuaria abunde edocent, cujus selectum præ cæteris evolvere B. Ludovici in *Pharmac. mod. sec. applic. & Exc. D. Pras. in Tract. de Med. facult.*

Ut autem ad SPECIFICA transgrediamur, fluori albo assignata, & à Practicis comprobata remedia, quorum jam jam quædam sub universalibus patuere, sunt ea in genere modicè & blandè adstringentia, viis & poris glandularum debita, ne excidat sereum humidum, magis tamen calida quam frigida primariò abstergentia, alcalina, terrea, π -tantia & absorbentia, cum oleosis aromaticis volatilibus & fixis maritata; in specie verò balsamica, uterina roborantia, glandosas uteri partes cum lymphæ & vasis munientia, & à peregrino influxu vindicantia, verbo tonica, in omnibus ob-

servatâ cautelâ, ut ventriculi calidum vitale conservetur, nec, continuo medicamentorum potissimum alcalinorum usu, fermento ejusque activitati noxa inferatur; intento quoque oculo ad mensium fluxum, ne illum turbemus, aut impediamus.

Si ductum Methodicorum & axioma generalissimum, laxum adstringendum esse, quod vult, sequeremur, ab adstringentibus potissimum curæ exordium desumendum foret, quod tamen ne fiat, unanimes monent auctores, & alienis periculis cautos nos esse oportet, quippe materiâ antecedente in corpore coactâ, nec evacuatâ prius, gravium symptomatum emergentium, ulceris, imò & integræ mensium suppressionis secuturæ periculum subest, notante *Riverio c. l.* nec vitium perfectè tollitur hoc modo; sed illa quæ natura excernere satagit, retinentur, imò clauduntur sic rivuli apertò fonte, & hostis domi alitur, malumque fovetur & conservatur. Hinc scribit *Galen. de præcognit. ad Posthum. c. l.* uxori Boethi ex adstringentium usu ventrem adeò intumuisse, ut utero gerentis suspicionem subiret. Confer exempla sinistri eventûs quæ extant *Anno II. Ephemerid. Germ. obs. 26. & ann. VI. obs. 103.* Ut igitur hæc talia evitemus, nec Empiricorum more agamus, balsamicis potius & abstergentibus, cum adstringentibus sociatis, præmissis evacuantibus, felicius curam perfici existimamus, quibus tandem jungenda exsiccantia internâ & externa, quorum ex uberrimâ farragine aliquot dabimus composita. Conveniunt autem omnia illa, quæ in aliis fluxibus, & in specie uterinis, mensibus immodicis, lochiis &c. aliisque feri & sanguinis nimis fluxibus, in Practicorum libris hinc inde commendantur, de quibus vid. *Rolfinc. O. & Method. IX. sect. VI. cap. IX. Hartmann, in Præxi, River. Sennert. Horst. Platerus &c.*

Rx. rad. zedoar. filipend. caryophyll. ā ʒ℔.

fol. rosmarin. salv. puleg. sclarea ā mʒ.

flor. cynosbat. cheiri, betonica ā piʒ.

sem. ammi ʒj. anis. ʒ℔. cortic. tamarisc. ʒij. lign. aloes, sandal. flav. ā ʒj.

nuc. mosch. ʒ℔. croci ʒj. M. Concis. & contus. grosso modo

F. l. a. Nodulus. S. Püschel in 2. Kannen Wein.

Rx. rad.

Rx. rad. plantag. torment. bistort. ā ʒiij.
 galang. ʒß. bryon. nymph. ā ʒij.
 fol. meliss. menth. rubr. agrimon. ā mj.
 flor. melilot. alb. galeopsid. bormin. matricar. ā p. j.
 flor. balaust. p. ij. cortic. aurant. citr. ā ʒiß.
 rasur. lign. lentiscin. sassafir. visci querni ā ʒiß.
 bacc. laur. juniperi ā ʒij. myrti ʒß. cass. lign. costi veri ā ʒiv.
 sem. coriandr. ʒj. M. Conc. contus. S. Reinigende species.

Huc spectat infusum & decoctum rosmarini, (qui gratus est foemineo sexui, & arcanum adversus fluorem album mulierum,) simplex vel compositum cum veronicā & melissā in vino, cujus decocto solo Lindanus se sæpius fluorem muliebrem curasse, ad tempus aliquod continuando, testatur, item essentia cum u proprio facta, spec. dianthos, oleum, conserva, extractum, & alia inde parata, feri fracedinem laudabiliter corrigentia, uti de ejus viribus & efficacia admirabili legi potest Sim. Pauli in Q. B. Cl. 2. p. 132.

Concentrationiora sunt, quæ subjungere placet, quorum inprimis basis succinum est, floris albi citum, tutum & jucundum remedium, cujus ope Exc. D. Presf. mulieres afflictas sæpissimè & felicissimè curavit, ut ne vestigium illius posthac senserint. Potest in essentia, pulvere vel aliis modis dispensari.

Rx. Ræ bezoard. ʒiß. liquor. CC. succinat. ʒß. ess. anod. ʒß. M.

Rx. elix. uterin. ʒij. essent. traumatic. ʒj. anodyn. ʒß. M.

Rx. elix. propr. sine acido ʒj. — ʒiß *ci succinat. ʒiß.
 ol. caryophyll. gtt. j. M.

Rx. essent. ad flux. alb. D. Mich. ʒij. Ræ bezoard. ʒß. essent. succin. ʒj.
 M. S. vermischte Essentz. Dof. gtt. xxx.

Rx. Ræ corall. cum u coryli ʒij. — adstring. Zwölff. ʒj. M. D. in vitro.

Rx. essent. succin. — catechu ā ʒiß.

M. S. anhaltend und stärckende Tinctur.

Rx. — vol. oleos. rosmarin. ʒij. ess. anodyn. gtt. x. M. D. in Vitro.

Sic componi possunt mixturæ variæ, majoris vel minoris apparatus, ubi fortiori adstrictione opus est, uti sunt Ræ lapid. bema-
 tit. — Oli, antiphthif. Gramanni, decoct. fol. quercus, cum coagulo le-
 poris, extollitur à Mercuriali, decoct. & Ræ flor. balaust; ut & Ele-
 ctuaria

Stuaria ex aperientibus & ventriculum roborantibus, quale adhibuit Bartholinus *Act. Hafniens. c. l. & River. Prax. l. XV. c. IV.*

Ex solidorum genere, pulveres varii tum passim extant compositi, qualis est *Timai libr. IV. Cas. med. p. m. 214. Heerii l. de acid. spadan. p. 106. & aliorum*, qui serum acriusculum temperant, tum ex simplicibus appropriatis componi possunt; ilique vel subtiliores chymici, vel grossiores Galenici. Horum exempla suppeditat *Riverius Prax. laudato loco, pro aulicis mulieribus, & Sim. Pauli Quadrip. Bot. cl. 3. p. 195. & 300. ut & Platerus l. c.*

Illorum materiam constituere possunt *succin. alb. ppt. unicorn. foss. CC. ebur. ust. & phil. ppt. magister. off. sep. corall. perlar. mat. perl. ppt. bol. armen. crystall. ppt. osteocoll; &c. cum momento ol. caryophyll. succin. albi rectificat. lign. sassafr. galange, anisi &c.* Commendandus etiam hic pulvis stypticus *Exc. DD. Pras. cum ol. terebinth. irroratus, crocus & adstring. lapis hematites experientia ejusdem, terra catechu, cujus usum probatum invenit Hagendorn. artic. III. p. 71. Cerussa ziiij, quam Digby medic. experim. p. 65. laudat, ex regulo simplici & otiali facta, magist. testar. ov. & opercul. cochl. &c.* Ex balsamicis & nervinis, *castoreum, xyloaloe, nucista, cujus singularem efficaciam in muliere biennio hoc malum patiente legere licet in observat Reusnerianis à B. Welschio editis p. 55. Tragea hysterica Quercetani apud Schröderum, Horstii c. l. &c.* quibus remiscenda alia, pro fluoris accidentibus, & intentione medici, veluti pro doloris ratione quandoque anodyna, *magister. anodyn. cum succino, pro absorbendi fine pulveris absorb. Exc. DD. Pras. in Opiol. p. 114. & p. 127.* Pro foetore abigendo *camphora* potest addi medicamentis, quam laudat *Fernelius libr. 6. Therap. c. 1. & Wecker in antidotar.* non immerito, utpote quæ egregie dissipat odores, à putredine & stercore, vel aliunde ortos, qui profluvium duodes & βρωιodes conciliant. Roborandi usu *nervina, zina & alia* pro variis casibus aptanda. Crato commendat hunc in usum sequentem pulverem, *ex gran. cherm. ziiij. nucis conditæ test. 3j. thuris albiss. 3ß. item grana mastiches cum potu sumpta confil. medic. 341.*

Ex abstergentium familia huc arcessendum experimentum *Zacuti Lusitani in Prax. admirand. qui Emuls. seu cremorem sem. lactuc.*

Etuc. cum ∇ â chalybeata extractam, addito ebore subtilissimè præparato sæminis cum successu propinavit, referente *Welsch. Cent. II. obs. 95. Mistomim. p. 47.* quod tamen prius ibidem nominato *Meynoldo* potius debetur. Idem inter rara experimenta, & sæpenumero feliciter probata adversus albas mulierum fluxiones accepisse se in Italiâ, asserit *Bartholinus in Act. Hafn. Volum V. p. 123.*

Domin. Panareolus obs. 48. Pentecost. 2. decoctum Nucis pinæ cum visci quercini portione in potu administratum laudat.

Helmontius uteri vitia sanasse se dicit per \bar{R} am corallii volatilem, oleum succini & \ominus em chalybis, *l. Ignor. act. regimin. §. 46. p. m. 342.*

Nolo huc trahere plura specifica vegetabilia, quæ apud Botanographos in hõc vitio largâ manu exhibentur, quæ nempe partim jam tacta, partim apud eosdem evolvi possunt; veluti de anserinâ etiam in calceis gestata *Pancov. herb. portat. p. 39.* de sideritide, alchymillâ, cymbalariâ, rad. sigill. salom. nucum castanearum interiori tunicâ rubente &c. vid. *Dodon. in pemptad. Sim. Pauli in Q. B. Hoffm. M. M. Schröderus & ejus clavis.*

Id solum addendum restat, in casu dubio, si sæmina libidinosæ sit, nec ♀ e utatur, vel virgo nubilis de materiæ seminalis abundantia & appetitu ♀ eo suspicionem præbeat, præter suadendum conjugium, posse prioribus medicamentis maritali antaphrodisiaca dicta, feri, & ejus floris & prolis seminis, turgescientiam imminuentia, spirituumque impetum ad partes genitales factum refrenantia, qualia sunt *mentha, ruta, cannabis sem. viticis, fol. salicis, nymphaea &c.*

Ita quoque *Ἀγνώμενους & ἔρρωμένους* symptomatibus occurrendum, ne in arte augustissimâ quicquam deficere videatur, unde depromenda quoque subsidia.

EXTERNÆ seu Topica cõteris complementum addunt, in quibus licet multum quærant autores auxilii, parùm tamen firmi inveniunt. *Thermæ*, tum naturales, exsiccantes, præsertim ♀ ex, aluminosæ, bituminosæ, aut ferrariæ, à *Cratone, Riverio, Platero, Sennerto* & aliis laudantur Prædicis, si nempe malum oriatur ab ulcere, sterilitate, recrementis uterî, & si alia non juvent; tum artificiales, seu balnea ex dictis mineralibus, adjectis vegetabilibus nunc adstringentibus

& nervinis roborantibus, nunc abstergentibus, parata cum ∇ is fer-
rariorum, & vino rubro coquendo, in quibus describendis proli-
xâ utitur operâ suasor eorundem *Oswald. Grembs. c. 1. & alii*. Il-
lis tamen non utendum (1.) in principio, nisi præmissis univer-
salibus & internis, (2.) præservativè magis extra fluxum, pro ab-
sterfione, quàm curativè locum habent; quod balnea in his & si-
milibus fluxibus, ut & mensibus immodicis non sint fida adstrictoria,
ob elementa, ex quibus primariò constant, calidum & humidum,
laxantia magis poros quàm adstringentia, nec etiam sufficienter
abstergant, monente *Exc. D. Præs. libr. 1. de med. fac. sect. 2. c. 2.* (3.)
magis si uterus per se laboret, quàm si à toto fluxus oriatur; (4.)
usu magis interpolato & discreto, quam continuo, ne effæminetur
natura; (5.) cum sacculis & fomentis roborantibus uterinis cum vino
coctis simul applicitis, quibus uteri & pubis regio foveri potest; (6.)
ventriculo annuente, non renuente &c.

Injectiones & clysteres uterini, metrenchytæ dicti, pro abster-
fione parietum uterinorum, & vasorum impuritatum, ex suprâ di-
ctis confieri possunt, veluti ap. *Sim. Paulin Q. B. c. 1.* talis extat, in
sterilibus ex fluore albo laudatus, & apud illos, qui de morbis
mulierum commentati sunt, ubertim videri possunt, ex decoctis
vinc. pervinc. malicorii, ros. rubr. myrtill. mentha rubr. lign. sancto,
cum sirup. de ros. sicc. myrtino, stoechad. succ. acac. hypoc. Talem vide
etiam apud *Pareum libr. de gen. hom. c. 60.*

Pessaria & nascalia, si quidem ad talia depuduerint fæmi-
næ, vel medicum hæc ordinare non indecens fucrit, etiam huc
pertinent; qualis encolpismus apud *Heer. obs. libr. 1. p. 133.* le-
gitur, ex succo *Œialis* & coagulo leporis, in sterilibus, utero hu-
midiores multam pituitam indies per pudenda excernentibus, pro-
fuisse, ut matres evaderent, vesperi in lecti ingressu usurpatus.
Item ex succo *plantagin. acac. bursa pastor. &c.* cum pulveribus *rad.*
tormentill. plantag. bistort. croc. & adstring. melle rosato, anthosa-
to; vel *theriacâ & terebinthina*, aut ovo conquassato exceptis, ca-
vendo nimis acria & irritantia.

Emplastra & Cerata roborantia uterina, pubi apposita & lum-
bis, etiam commendantur, v.gr. ex unguento *Comitiss. cum ol. masti-*
cbin.

chin. cydon. & similibus, superaddito cerato Horstii libr. iv. de morb. mul. obs. xviii. Empl. de galbano, de tacamahac. laudan. mastich. Empl. Zacut. Lusitani libr. 3. prax. Hist. c. ii. obs. 3. diaphanic. calid. & frigid. malax. c. ol. castorin. myrtino, ess. bals. Peruv. &c. Quò refer epithemata ex vino rubro austero, cum herbis uterinis decocto, Cataplasma Simonis Pauli, ex decocto fragariæ in vino, pubi applicatum, &c.

A Balneorum & detergentium usu, *suffitus* per infundibulum vel sellam perforatam vaporariam exiendi, ex *succino, g. anima, sandalo citrin. mastiche, styrace, benzoe, caryophyll. aromat. Nuc. Mosch. ros. rubr. fol. salv. thure, sandaracâ, alipt. moschat. & aliis commendatis, vel in pulvere, vel in trochiscos cum mucilag. tragacanth. formatis.*

Nonnulli addunt magneticam curam, si linteo excepta materia camino suspendatur; *vid. Gruling. cent. 3. obs. 23.*

CAPUT XII.

Diætæ regimen præscribit.

Optima est vivendi ratio in foeminis, quæ non peccat in DIÆTÆ regulas, quæque habitui, ætati, temperamento conveniens, aureâ mediocritate, inter excessum & defectum plurima incommoda & noxas triumphat, quâ sexui imbecilliori adhærentes alias calamitates si non declinantur, temperantur tamen & mitigantur, imò præcaventur. Quantum autem in morbofis intersit fartum tectum oeconomiae corporis aptum servare modèramen, per rerum non naturalium legitimum usum, dici vix potest, cum amica cum medicamentis concordia, hac vivendi justâ lege promota, junctis quasi viribus & unitis, omnes malorum infestantium corpus, dissonantias & discordias edomare magis potens sit, & superare, & contra ea, neglecta rerum corpus conservantium observatio imperfectæ sanitatis non ultima existat causa.

Hinc cum, delibatis pharmacorum hætenus aptorum materiis, malo contraiverimus, nunc ex DIÆTA quid svadendum superfit, brevibus notabimus. Et quoad VITALEM quidem, cujus

prima cura esse debet, AEREM, si potis est, fœmina eligat purum, temperatum, æqualem, ad calidum & siccum, vel moderatè humidum inclinantem, vel arte talem efficiat; evitet autem pluviosum, humidum nimis, udum, nocturnum, nebulosum, frigidum, austrinum. Mutationes omnes subitaneas ex frigido in calidum, & vice versâ, aeris locorumque insvetas, periculosas sibi ducat, & hinc fugiendas; quo fiet, ut calor animalis redintegratus magis vincat humidum superfluum.

In NATURALI, VICTUM instituat naturæ convenientem, & morbo contrarium, id est; Cibis vescatur laudabilis succi, facilisque digestionis, quique parum excrementitii secum occulant, iisque in quantitate modicâ & paucâ, in qualitate siccis magis & solidis, quàm humidioribus utatur, hinc assis potius quàm elixis, vel si his, aromatibus *cinnam. cardamom. caryophyll. nuc. mosch. mace, salv. artemis. rosmarin. majoran. thymo, pulegio*, & aliis similibus medicamentosis conditis & correctis s. q. Non admittenda frequentius jussula & liquidiora, inprimis si ventriculi *σπίλησις* læsa. Lactiniis, farinaceis, non fermentatis, frixis, viscidis valedicat, Θε & muriâ macerata, fumo indurata, v. gr. carnes porcinae, pisces in Vis stagnantibus degentes, item acida, acetum, pingua, oleracea, leguminosa, fructus horarii, Vosa, verbo, cruda omnia in esum & usum non, vel parcè veniant. Loco horum carnes substituantur sanorum & juniorum animalium delicatiores, gallinarum, avicularum montanarum, consilio Galeni de præcog. ad Posthum. c. 8. perdicum, turturum, alaudarum, pisces saxatiles &c. A pastu convenit panis mellitus, aromatizatus, *coriandrum, mastiche, caro cydon. tragœa* cum pane tosto vino inebriato, & alii pulveres peptici, item castaneæ, mespila &c.

POTUS non sit nimius, cerevisia defecata, lupulata, quandoque cum herbis appropriatis medicata, potum ordinarium constituere potest. Vinum quoque annosum, rubrum, vel similiter cum uterinis alteratum & exaltatum bibisse conducit; absit secundaria cerevisia, & feculentæ potiones aliæ cruditarum fomites.

In ANIMALI, SOMNO non dedat se nimium, nec vigiliis, utrisque vero satisfaciet modum tenendo. Decubitum supinum negligat,

gligat. ALVUS, urina, sudor bene procedentia sanum præstabunt corpus, quæ si segnius vel non succedant, natura monenda, vel sollicitanda erit, nihil tamen invitâ movendum eadem. MENSIVM quoque in consuetis ordinaria habenda cura, ut in singulis debite & ἐν ᾧ ἔσται, pro ætatis, temperamenti & conditionis, vitæque generis ratione, naturæ fiat satis.

MOTUM blandum & lenem vitæ sedentariæ præferat, ne capiunt vitium, nî moveantur aquæ microcosmicæ. Veneris usus parior sit in conjugatis, à quô temperare sibi aliquantum commodo sibi ducet.

ANIMI tandem PATHEMATA, præsertim ad melancholiam & tristitiam vergentia, forti reprimat animo, spirituum ne turbetur ordo, motusve regularis, neve seri & sanguinis ὁρμαίνουσιν detrimentum inde incurrat. Terror, metus, sollicitudo, ne quatiant corpus omni curâ studioque cavendum, quin sereno animo & imperturbato, quoad fieri potest, cunctis occurrendum, & felicia vitæ, sanitatisque speranda tempora.

Deo Sit, Laus Honor &
Gloria.





Xultat sequior sexus, Claris-
sime THILLI,
Dum medicum morbis Te
videt iste suis.

Ingenii dotes claras *fluo*r indicat *albus*,
A quò clara Tibi Fama subindè
fluet.

Jam Nymphæ nectunt amaranthi ex
flore coronam
Immarcescibilem, quam precor ex
animo.

Hæc sit fausta tuo capiti! Doctoris
honores
Propediem summos addet Apollo
Tibi.

*Hos felicissimos, simulque invidendam praxin,
solidissimæ tuæ eruditioni respondentem
ὁλοκαρδίως prec.*

Augustinus Henr. Faschius, D.

Anat. Chirurg. & Botan. Prof. Publ. Archiater
Ducal. Saxonicus, p. t. Academiæ Rector.

Nunc

Nunc, dum MARS & MORS crudelia fa-
ta minantur
Europæ, & claros multi se reddere Marte
Gaudent, ut ferro detrudent finibus ho-
stem;

Tu, THILLI, rectâ Mortem depellere tentas
Arte, ut servari sic possit vita cuique.

Laudandus vester conatus, quo superesse
Illi, queis lucis MARS & MORS invidet usum,
Sic possunt. Utrisque beans concede Jehova,
Ut capiant sperata brevi condigna brabêa!

Properante calamo, sed

ὁλοκαρδίως

ad precatur

Rud. V Vilh. Grauß/

Phil. & Med. D. P. P.

THILLI, Pæoniæ gentis prænobile germen,
Te pietas, candor, doctrina, modestia,
dudum
signarunt doctis genuinâ laude coruscum.
Nunc verò matura seges, nunc præmia surgunt,

præmia

præmia virtuti condigna, & divite cornu
omnigenum decus atque amplam fundentia
famam.

CL. CANDIDATE,

*Hactenus nostris innutritus studiis imbuiſti animum ſuf-
ficientiſſimâ artis peritiâ, comes præxeos noſtra æſ-
ſiduus, auditorii prima gloria, & individuus aſſe-
cla docentis. I nunc, & prævio ultimo certamine
meritiſſimos capeſſe honores, fruſtus aberrimos, Deo
benedicente, in publicum effer, invidendis ſucces-
ſibus opem laturus ægris, id quod ex animo bens-
volo non tam voveo quàm certò promitto*

Georg. VVolfg. VVedelius.



*ſtra quot in Cælo, totidem fert ſidera
Tellus.*

*Ille micant radiis, floribus hæcce ni-
tent.*

*Utraque dum ſpectas, ſpectas tamen utraque
ſemper,*

Activum certè Numen utrinque vides.

*Hoc dum ſpectando veneraris, præmia ſumma
Jure Tibi tribui Mundus uterque probat.*

Gratulab. Amico de proper,

Erhard. VVeigeliuſ, P. P.